

DE  
PLURALITATE SVFFRAGIORVM  
IN  
LECTIONE IMPERATORIS

---

PRO MVNERE PROFESSORIO  
LEMENTISSIME SIBI DEMANDATO

AMPLISSIMI SENATVS  
ET ILLVSTRIS ICTORVM ORDINIS PERMISSV



DISPVTABIT

P R Æ S E S

ODOFREDVS DANIEL  
HOFFMANN

IVRIS VTR. LIC. ET PROF. PVBL. EXTRAORD.

RESPONDENTE

JOHANNES FERDINANDO DREHER.

STVTG. I. V. C.

---

VINGÆ H. L. Q. C. DIE XXIII. IAN. MDCCXLII.

---

TYPIS ROEBELIANIS.



## §. I.

## LIBERTAS GERMANIÆ IN ELIGENDO REGE.

**Q**uod olim de *QVIRITIBVS* suis dixit M. T. CIGERO, *aliæ nationes servitutem pati possunt, Populi autem Romani res propria est LIBERTAS*, a) dulce istud nomen, res illa incomparabilis: id maiori adhuc jure ad *GERMANOS* transferri posse, nemo, facile dubitabit. Tantum illorum, omni ævo, fuit *LIBERTATIS* studium, ut eandem jam *LYCANVS Germanum Strybicumque Bonum* adpellare nullus dubitaverit. b) Hanc enim non solum in tot adhuc peculiare civitates, quot *populos*, divisi, sed & deinceps sub *Francicis*, secundæ potissimum *Carolingorum* stirpis, *Regibus* in unum corpus *uniti* perpetua virtute propugnarunt. Qui institus Germanorum animis *libertatis* amor id etiam inter alia effecit, ut nihil sibi *imperari* paterentur, quod non ipsi *suo* prius probassent *consensu*. c) Hinc nullo non tempore *comitia* in Germania celebrata fuisse legimus, in quibus *Reges & Imperatores*, cum *Regni & Imperii Ordinibus*, pro majori vel minori Regum & Imperatorum autoritate, plus minusve potentibus, de negotiis, ad summam reipublicæ pertinentibus, consultarunt. Inde porro hodiernum insigni illa *LIBERTATE* gaudent *GERMANI*, ut eis *REGES* haud nascantur, d) sed ipsi, quos dignissimos judicaverint, *eligere*, simulque, quod magis, una eademque *electione*, inde a notissimo isto *pacto OTTONIANO* in *Reges* atque *Imperatores Romanorum* evehere queant. Quo nomine admodum semper nobis placuerunt, quæ circa electionem *FRIEDERICI I. de Germanis* cecinit *GVNTHERS, Regibus iniquitas*, c)

*Regibus est aliis potiundi jure paterno  
Certa fides, sceptrumque patris novus accipit heres.  
Nos, quibus est melior libertas, jure vetusto,  
Orba suo quoties vacat inclita Principē sedes,  
Quodlibet arbitrium statuendi Regis habemus.  
Nos penes est, quemcunque sibi Germania Regem  
Præficit, hunc dives submisso vertice Roma  
Suscipit, & verso Tiberim regis ordine Rhenus.*

Id quod summum libertatis fastigium, optimumque ejus *argumentum* est. QUAMVIS enim neque cum illis sentiamus, qui ex duobus istis ad imperium perveniendi modis primariis, *electione* nimirum atque *successione*, illam saltem, in hujus veluti *opprobrium*, unice commendant, immodicisque laudibus extollunt, neque illorum nobis placeat civilis philosophia, qui *modum* Principem constituendi, a *forma* reipublicæ vel *absoluta* vel *adstricta*, vel *hanc* ab illo per causalem quandam nexum dependere statuunt, qui discrimen *summi* aut *summo* *minoris* imperii e modo istud, vel per *electionem*, vel per *successionem*, deferendi & acquirendi æstimare solent, qui ibi *electionem* semper obtinere, ubi legibus *adstrictum*, & *successionem*, ubi *absolutum* regimen vigeat, qui denique *successione* non nisi *absolutum* & *electione* e contrario non nisi *limitatum* imperium deferri sibi aliisque persuadere conantur; sed Potius probe noverimus, *primo* gaudere tam *electionem* quam *successionem* commodis suis, laborare vero etiam *utramque* f) incommodis non minoribus, præterea mores, instituta gentium, rerumque publicarum formas, status, rationesque adeo sæpius *variare*, ut *certi* quid & *constantis* definire heic nemo queat, porro fieri posse, ut hodie statui cuidam *electio* magis conducatur, *successione* hæreditaria alio tempore *electioni* longe præferenda, *denique*, quod caput rei est, facile contingere posse & solere, ut neutra illarum salutem publicam regni alicujus, (loquimur enim secundum placita juris publici *universalis*) satis promovere queat, præsentique reipublicæ statui apprime conveniat, sed demum legibus fundamentalibus eidem penitus adcommodanda, atque proin addendo detrahendoque *successio electione*, vel *electio successione* temperanda sit, *secundo* omnes facile agnituros fore, *modum* rei ipsius, *naturam* haud ingredi, adeoque distinguendos esse modos, imperium *acquirendi*, & istud jamjam acquisitum *exercendi*, *tertio* denique *electionem* qua *talem*, æque ac *successionem*, non *potestatem*, sed *personam* g) saltem producere atque determinare: NIHILOMINUS tamen quivis intelligere poterit, *primo* permultum reipublicæ interesse, quo modo ad illum, qui unus ex omnibus, reliquis postea vel præcipua vel *summa* cum potestate imperabit, civile regimen perveniat, *deinde*, qua ratione regiminis deferendi propagandique *modus* cum ipso reipublicæ *habitu* conveniat, eive legibus usuque adcommodetur, *postea* longe, ampliorem statibus Regni *electio* suppetere occasionem, *summi* imperii potestatem, sua auctoritate temperandi, atque adeo jucundissimam omnibus libertatem conservandi, quam quidem *successu* regni ordinibus nasci potest, *denique* si non universalem *veritatem*, specialem tamen hancce *presumptionem*, in dubio applicandam, e modo imperium deferendi oriri: quod nempe regna *electio* jure delata fidem habeant mereanturque imperii non nisi adducti, *limitibusque* constricti, cum e contrario regna, bello & victoriæ jure quæsitæ atque proin mediante

dian te *ſucceſſione* retenta, opinionem imperii *abſoluti* tamdiu præ ſe ferant, donec contrarium probetur. Quæ omnia, ſolo *Germaniæ* h) exemplo, ſatis comprobari poſſent, ſi modo ulterius hic *digredi* liceret, nec vero omiſſiſetiam, ſingularibus quibuſdam de *ORIGINE* tum *electionis*, tum *Electorum* in *Germania compendiis*, ipſa potius hæc de *PLURALITATE SUFFRAGIORUM* IN *ELECTIONE IMPERATORIS* tractatio, neceſſariis illis, tum *ELECTIONIS*, tum *SUFFRAGIORUM* in *electione* definitionibus inchoanda foret.

a) Vide *Philippicam* Ejus 6. ſive *orat.* 48. in *M. Antonium ad Quirites*, in opus opus ejus edit. Elzevir. de anno 1661. pag. 603. num. 7. in fine. Adde ibidem *Phil.* 10. pag. 613. ubi egregie de *libertate* diſſerit ſummus *Orator*.

b) De *Bello civili Caſaris & Pompeji*, ſive *Pharſal.* Libro 7. v. 35. Adſtipulatur ei L. A. SENECA, qui cap. 15. *Libri I. de Ira* GERMANOS, pariter atque *Scythas*, gentes ipſa *feritate* LIBERAS, qua *ſervire* nequeant, adpellavit. Conferri vero hic etiam, qui inter *Romanos* Scriptores in rebus *Germanicis* facile princeps eſt, C. C. TACITUS, tum de *Moribus Germanorum* paſſim & in ſpecie cap. 37. tum in *Annalibus ſuis* cap. 10. 11. & 16.

c) Id quod TACITUS de *Moribus Germanorum* vel ſolo cap. ſuo 11. abunde probavit. Conferri quoque merentur Ill. noſtriſque etiam *Patroni ſummi*, Domini MASCOVII *Gefchichten derer Deutſchen*, Libro 2. §. 34. pag. 47.

d) De quo POLONORUM, his etiam jure meritoque uſitato, *proverbio* videri omnino meretur *Celfiſſ.* quondam *Principis & Episcopi Varmienſis*, magnique illius Regni *Cancellarii* ZALUSKY *Epistol. Fam. Tom. I. pag. 554.*

e) In *Ligurino ſuo*, ſive *vero*, ſive *ſuppoſito*, hoc eſt de rebus *geſſis* FRIDERICI I. *Aug.* Libro I. vers. 244 ſq. apud REUBERUM ex editione B. JOANNIS fol. 460. ubi noviffima optimaſque ejus legitur editio. Cæterum de hoc ipſo GUNTHERO, præter ibidem fol. 408. ſq. collecta, omnino legi merentur argumenta, quibus impoſtorem illum, ejusque *Ligurinum* demum ſæculi XV. partum fuiſſe in *Parergis Gotting. Tomo I. libro 3. num. 8. pag. 149.* evicit Ill. DR. H. C. SENCKENBERG *Fautor* noſter colendiſſimus.

f) Vid. B. & *Deſideratiſſ.* Prof. ROESLENI *Diff. anno 1721.* habita, *utrum electio præſtet ſucceſſione*, an *vice verſa*, quæ tamen hanc ipſam quaſtionem, prævia licet multa cautione, pro *ſucceſſione ſcēt.* 2. decidit.

g) Prout jam RHETIUS in *Diff. ſua de abſoluta Principum poteſtate*, quæ inter *Diff. Ejus juris publ. XI.* junctas 7. eſt cap. 2. num. 138. obſervavit. Addi merentur TITIUS in *ſpec. juris publ. libro 7. cap. 7. §. 97.* & Cel. CANZIUS, *Patronus* noſter venerandus, in *Diſcipl. ſuis moral. §. 1073 ſq. pag. 361 ſq.*

h) Exemplo Ill. LUDAWIGH, qui hac præſumptione tam in genere, vid. præſ. Ejus ad *ſingul. juris publ. §. 14. pag. 70 ſq.* quam in ſpecie, v.g. occasione juris adlegandi Statuum Imp. vide *opuſc. Ejus miſcellis Tomo I. Libro I. op. 6. §. 4. & 5. pag. 421 ſq.* uſus fuit. Cave tamen, ne cum *Eodem* eandem præſumptionem nimis urgeas,

geas, atque etiam applicare velis, ubi vel non *quadrat*, vel *veritatis* in contrarium *probatio* jam adest.

## §. II.

### DEFINITIO ET DIVISIONES SUFFRAGIORUM ELECTIVORUM.

Est autem ELECTIO, uti in genere, ita & in specie IMPERATORIS nostri Romano-Germanici, actus *solemnis*, quo per *suffragia* a) eorum, penes quos est jus eligendi, in casu substrato *Electorum* Germaniæ, *subjectum* quoddam *habile* b) ad munus aliquod, videlicet summum istud dignitatis æque ac potestatis, tam *Regalis*, quam *Imperialis* fastigium, *legitime*, hoc est, secundum *legem usumque* Imperii nostri, *designatur*. SUFFRAGIA autem, prout jam vel ex definitione electionis satis adparet, ELECTIVA nihil aliud sunt, quam *declarationes*, ab Electoribus, Coelectoribus suis, speciatim roganti Moguntino, de isto subjecto factæ, quod jamjam ad culmen hocce *imperiale* evehere velint. *Definitionibus* hisce, quas pluribus illustrare superfluum foret, proxime succedant *divisiones*. Sicut enim *suffragia generantur*, pro declarationibus statuum constatibus suis circa hoc vel istud negotium publicum factis, accepta, diversimode dividuntur; ita hæc quoque *divisiones* suffragiis electivis in specie erunt applicandæ. Ita primo omnium ratione *personæ* suffragantis, *suffragia* alia sunt *virilia*, alia *curiata*. *Virilia* dicuntur, quæ persona simplex, individua atque physica, suo tantummodo nomine fert. *Curiata* autem non nisi personæ compositæ, mysticæ & morali, integro velut corpori, vel collegio, integræ societati, sive *curiæ* competunt, neque adeo ab unico homine, suo saltem nomine, ferri possunt. Sic in *comitiis* Germaniæ *universalibus* Electores, Principes atque Civitates, in tribus illis distinctis *collegiis* vota edunt *virilia*. *Conclusa* autem, quæ ex *virilibus* istis singulorum Statuum *suffragiis* in quovis *collegio* formantur, in ordine ad formandum exinde *placitum Imperii*, vota sunt censenturque *curiata*. c) Porro in *collegio Principum* vota Episcoporum, Ducum, Principumque *virilia*, Prælatorum autem Comitumque econtrario, *curiata* sunt, sicut & hæc, habito ad Prælatorum Comitumque collegia & *scannia*, virilia dici queant. Optima vero, utrum suffragia aliqua sint *virilia*, an *curiata*, cognoscendi ratio est, si *suffragantium*, atque *suffragiorum* numerum adtendas. Quod si hi *numeri* æquales, totidemque sint *suffragia*, quot *suffragantes*, quot membra suffragantia, tunc ista necessario erunt *virilia*. Sin vero numerus *personarum*, numero *suffragiorum*, velut in collegio Principum, *major* sit, pluresque sint suffragantes, quam suffragia postmodum computentur; tunc *illorum* quædam saltem *curiata* sint necesse est, & ea quidem, quæ quis non *suo*, sed *alieno* etiam, velut reliquorum, *nomine* simul fert. Hæc de *explicatione* primæ hujus divisionis. *Applicatio* ejus ad *suffragia electiva*, quæ

quæ in comitiis electoralibus, auf denen Wahltagen ferri solent, difficilis esse nequit pendenti, quod ibidem primo singulis Electoribus sua competant suffragia, quod deinde reg. omnis Elector suo tantum nomine & jure suffragetur, & si alterius quoque id simul fiat loco, d) duo etiam ferat suffragia, quod denique tot ibi, in collegio Electorali, sint semperque fuerint suffragia distincta, quot suffragantes, quot Electores. Cum igitur numerus votorum electivorum idem sit cum numero Electorum, ita ut cum hodie novem vel octo sint Electores, octo quoque vel pro re nata novem etiam numerentur suffragia, facile perspicitur suffragia electiva non curiata esse, sed virilia. Id quod de suffragiis electoralibus ubique verum, atque tam in comitiis electoralibus, quam collegialibus, imo etiam universalibus, auf Wahl, collegial- und Reichs-Tagen, observandum, nisi quod hic suffragia Electorum virilia quoque, postquam jam in commune collegii conclusum abiire, habita ratione ad reliquorum collegiorum conclusa, in votum degenerent curiata, idque unicum, quod vero Electorum omnium, tam dissentientium, quam consentientium, nomine exhibetur. Quoad usum distinctionis hujus, quem in computatione suffragiorum illa præbeat, id observandum, quod etiam vota curiata, habita ratione ad reliqua, quibus cum connumeranda, ceu virilia haberi debeant. Sic tria collegiorum in comitiis Germaniæ universalibus conclusa, quæ totidem vota curiata efficere diximus, solo hoc numero ternario computantur, ita ut duo, æque ac si virilia essent, majora efficiant. e) Suffragia Comitum atque Prælatorum, in collegio Principum, curiata, quoad computationem itidem considerantur ut reliqua virilia, quorum numerum non nisi sex suffragiis augeat. Dispersi porro debent suffragia non modo in genere, sed & in specie electoralia in singularia atque collegialia. Alia nempe negotia, in quibus consensu suffragisque Electorum, ut adplicate statim loquamur, opus est, ita sunt comparata, ut perinde sit, qua ratione singulorum Electorum calculus, sive per legatum ad singulos vel a singulis missum, vel per literas ad singulos illorum datas atque a singulis rursus acceptas, etiam extra comitia, ab Imperatore impetretur, ab Electoribus vero adponatur. Alia vero negotia Imperii publica hujus sunt indolis, ut leges non solum Electorum consensum in genere efflagitent, sed & eundem adhuc comitalem sive collegialem, hoc est ab Electoribus non singulis sed universis, qua collegium constituentibus, impetrandum & interponendum esse perhibeant. Quo casu verbis der collegial-Versammlung, Zusammenkunft, auch collegial-Rath und Stimmen utuntur. Adducamus utriusque hujus, singularis & collegialis, Electorum consensus, unicum saltem sed luculentum tamen, quo melius differentia hæc appareat, exemplum. In instituendis, prorogandis & transferendis universalibus Regni comitiis Imperator speciali saltim Electorum omnium, sed qua singulorum consensu opus habet. Teste Recessa Imperii

de anno M. DC. XLI. ubi in principio: Dap zu Ausschreibung eines allge-  
meinen Reichstages, deß h. Reichs Churfürsten, und ein jeder dersel-  
ben, absonderlich, vorher dem alten Herkommen nach, um seinen *special-*  
*consens*, schriftlich und durch Abschiedung ersucher werden solle. En egre-  
giam, *consensus Electorum singularis* sive *specialis* descriptionem. Collige  
inde, quæ *suffragia* ipsorum sint *singularia*. *Collegiali* vero *Electorum consen-*  
*sus* Imperator inter alia opus habet, cum jura emporii, stapulæ, geranii, pau-  
cissimæ omnia, quæ *commerciorum* libertati adversa videntur, præsertim vero  
*vetigalia* nova concedit, antiqua auget, prorogat, transfert. Audias  
hoc nomine ipsius *Augustissimi* olim, nunc gl. m. CAROLI VI. quibus istud  
promisit, verba. Wir sollen und wollen auch . . . keinen Zoll von neuem  
geben, . . . es seye dann nicht allein mit aller und jeder Churfürsten Wis-  
sen und Willen, Zulassen und *collegial*-Rath, durch einwilligen Schluß  
also in diesem Stuck verfahren, daß keines Churfürstens Widerrede oder  
*diffens* dargegen, und dergestalt alle und jede in Dero *collegial*-Stimmen  
einmüthig seyn ic. f) Habes hic non solum conventum & deliberatio-  
nem *collegialem*, *collegial*-Rath, sed & discrete *suffragia collegialia*, *collegial*-  
Stimmen, g) ut pluribus adeo hic opus non sit. Quo minus nunc etiam  
quoad *applicacionem* hujus *divisionis*, dubitari poterit, *suffragia electiva*  
esse *collegialia*. Postquam non solum *Aurea Bulla* tot de convocatione,  
comparitione, conductu, comitiis, *suffragiisque* comitialibus, in uno  
*eodemque* h) loco ferendis, disposuit, sed & *luculenta juris canonici* i) ana-  
logia, imo certissima omnium, omnis ævi, electionum addit *observantia*,  
secundam quam omnis electio non nisi in *comitiis*, primum *universalibus*,  
postea vero *electoralibus* instituta fuit, imo ipsi *Principes* atque *Nobiles*, sola  
sua omiſſa frequentatione *comitiarum*, in quibus Imperatores quidam, in  
*turbulento* isto Germaniæ statu, fuisse electi, suo *colectionis* jure privati fu-  
erunt. Neque vero jam omnem *divisionum* peragravimus sylvant. Dan-  
tur adhuc plures, k) quarum *unicam* saltem adducemus, eam nimirum,  
quæ planam nobis, deinceps ad ipsam *suffragiorum pluralitatem* sternere  
poterit viam. Possunt quippe *suffragia electiva*, æque ac *suffragia omnia*  
dividi in *unanimitia* atque *diversa*, seu, quod idem est, *uniformia* & *diffor-*  
*mia*. Quando omnium Germaniæ *Electorum* depromovenda, per hanc novi  
capitis, electionem, Imperii salute, judicia eadem sunt, atque præterea  
etiam per idem *medium* in eundem collimant *finem*, hoc est, si omnes,  
quotquot illorum sunt, *eundem* eligunt *candidatum*, tunc *suffragia* eorum  
dicimus *uniformia* sive *unanimitia*. Quod si vero *Electores* neque eundem  
*finem* præfixum habeant, neque per eadem *media* ad unum tendant scopum,  
sed in diversas abeant sententias, aliis *primum*, aliis *secundum*, aliis *ali-*  
*um* eligentibus, *suffragia* illorum *difformia* sive *diversa* adpellari merentur. *E-*  
*lectio* uniformibus *Electorum suffragiis facta*, *unanimitis* atque *concoris*, quæ  
vero



vero difformibus peracta, illa *diversa* atque *discors* dicitur. Quodsi suffragia Electorum in ipso *electionis* actu, consueto atque solemnī modo lata contingat esse *uniformia*, atque adeo electio *unanīmis* sit, nulla prorsus difficultate laborabit tam *computus* suffragiorum, quam ipsa *electio*. Tunc nempe suffragia omnia, ceu ejusdem *qualitatis*, nec vero *interne* diversa, connumerantur atque electio rite peracta censetur. Neque alia *computatione* opus, nihilque amplius supererit, quam ut quem *uno ore* elegerint Archi-Principes, eundem quoque more solemnī renuncient atque proclamēt. Ceterum quid pronunciandum sit, ubi *suffragia* Electorum diversa sunt atque *difformia*, id ipsum est, quod jam ea, qua fieri poterit, brevitate atque perspicuitate, ostendemus.

a) Addunt alii, cum Ill. BOEHMERO in *Instit. suis Juris Canon. Libro 1. tit. 6. §. 1. pag. 54.* per *suffragia electorum MAJORA*. Quod vero eo magis *omittendum* esse duximus, quo certius *suffragiorum pluralitas* inter *accidentalīa* electionis referenda, exemplo *Polonica*, quæ a potiori & de regula, non nisi *unanīmis* esse poterit. Vid. Fr. MARINI *Staat des Königreichs Pohlen, pag. 60.* Obtinēt quippe in ipsa quoque *electione* libera illa, omnium Procerum Nobiliumque, *LIBERUM VETO* adpellata, *intercedendi* facultas, in solis istis, huic *Regno* propriis, *confederationibus*, suspensa. Vid. Cl. LENGNIHII *Diff. de istis. §. 24.*

b) *Iustum* nempe, *bonum & utile*, præcipiente *Aurea Bulla tit. 2. §. 1.* Christianum; domesticum, legitime natum, illustre, laicum, cujuscunque deinceps vel *sexus* vel *ætatis*. Conf. B. D. D. SCHWEDERI *Diff. de Elect. Imp. continens habilitatem persona.*

c) Vid. VITRIARIUS in *Instit. suis Juris publ. Libro 4. tit. 1. §. 69. sq.* ibidemque PFEFFINGERUS *Tomo 4. pag. 378. sq.* Adde KULPISH *Diff. de placitis Ordinum Imp. cap. 3. §. 14. sq.*

d) At vero etiam, jam olim, *alieno nomine*, ceu mandatarii & procuratores, atque adeo *aliquoties* suffragari potuerint? quæstio est haud inutilis. Negavit *illam* quidem AUTOR *derer unnaßgeblichen Gedanken* (qui se PATRIOTAM vocat,) *über die gesuchte neue vota §. 20. pag. 36.* At contrarium aliqua ipsorum, testari videntur, *Electorum* exempla. Sic *Colonienſis* in electione RICHARDI anno 1257. suum atque *Moguntini* votum, ex hujus commissione exposuit, teste URRANO IV. P. R. in *Epistola sua in prodr. Cod. Juris Gent. Dipl. LEIBNIZIANI §. 14. pag. 15.* Eadem ratione, eodem *interregni* tempore, cum ALPHONSUS eligeretur, & *Saxonia Dux*, & *Marchio Brandenb.* suam electionem, *Trevirenſi* per literas ita commiserunt, ut quemcunque (præter *Anglicanum*) *suo & ipsorum nomine*, eligeret, ratum & firmum sint habituri. Vide *Gesta AEp. Trevir.* apud ECCARDUM in *Corp. Hist. medii ævi Tomo 2. pag. 2237.* Ita porro in electione ADOLPHI, *Nassovia* Comititis, *Boemia Regis* WENCESLAI nomine, *legati*, etsi præsentēs, ipsi tamen *electioni* haud interfuerunt, sed potius suffragium *Bobemicum*, reliquorum Electorum consensu, anno

1292. Electori Moguntino GIBBARDO demandarunt, prout id ipse in *tabulis* suis apud LUNIGIUM in dem Deutschen Reichs: Archiv P. gen. cont. 2. pag. 186. testatur. Eodem jure, anno 1308. cum HENRICUS VII. eligeretur, RUDOLFUS, Saxonia Dux, votum suum OTTONI Brandenb. commisit, qui ipse vices suas turlus Agnato suo WALDEMARE demandavit, qui pro se, & magnifico viro OTTONE, Marchione Brand patrui suo, *cujus vices in hac parte gessit*, nec non nomine illustrium virorum JOANNIS & ERICI, Ducum Saxonia (Lauenb.) qui etiam vices suas, in quantum de jure, vel consuetudine habuerant, hac in parte eidem commiserant, atque adeo ter quaterve in favorem dicti HENRICI Lucelb. suffragatus est. Quemadmodum id ipsum, totidem verbis, Decretum sive Diploma electionis, quo Papam de electione hac certiores fecerunt Electores, testatur, apud BALZILIUM in collect. aët. vet. §. 35. pag. 263. atque LEIBNIZIUM all. l. Tomo 2. Mantiss. §. 49. pag. 253. Ad di meretur declaratio Legatorum Brandenb. circa pacta de eligendo R. R. Popardia edita, ibidem Tomo I. §. 30. LUDOVICUM denique IV. Bavarum, a Moguntino, vice sua & reliquorum, hoc est, ex speciali mandato, Treverensis, Bohemi, Brandenb. & Saxonis electum fuisse, epistola quinque horum Electorum ad futurum Papam anno 1314. exarata, ibidem e NIC. BURGLUNDI Hist. Lud. Bav. libro I. exhibita, Tomo I. §. 36. pag. 66. Sic etiam HENRICI Colonienfis mandatum, quod RUDOLPHO Palatino eodem hoc anno dederat, extat in Reichs: Archiv. p. spec. cont. I. pag. 81.

e) Vide FURSTENERIUM de jure suprematus cap. 40. 41. Ill. DN. ICKSTATT in Diff. de majori suffr. num. cap. 2. §. 31. nostramque Diff. de independentia juris circa sacra Evang. intuitu Imp. & Imp. hic loci anno 1740. consilium moderante, Illustri HELFFERICHIO, Patrono atque Præceptore nostro, non sine venerabundo adfectu nominando, defensa, §. 16. not. p. 45.

f) Artic. Capitul. Cæs. LEOPOLD. art. 21. JOSEPH. 20. Project. perp. & CAROL. art. 8. pr.

g) Dantur vero alia adhuc hujus collegialis Electorum consensus exempla, in negotiis v. c. belli, alienationum, fæderumque præsertim, si, quod moram non patiuntur, non omnium Statuum, vide Instr. Pac. Osnabr. art. 8. §. 2. & Capit. noviss. art. 7. pr. Sed Electorum saltem prævio consensu ineantur. Arg. Capit. c. l. ubi collegial- und absonderliche Erklärungen, sibi invicem opponuntur. Quemadmodum collegialis hoc consensu tum in genere opus, cum is surrogatus est consensui Statuum omnium comitali, cujus proin etiam sapit naturam. vid. Instr. Pacis Osnabr. art. 8. §. 5. & Cap. LEOPOLD. art. 10. Adde LINCKERI Diff. de Consensu Electorali, nec non ipsam, Unionem Electorum, Vormacia anno 1521. renovatam §. 8. 9. 10. apud Chr. WILDVOGELIUM in Diff. de Unione hac Electorali cap. 2. §. 45. 57.

h) Aurea Bulla Tit. 2. §. 6. ubi in princ. Postquam autem in Eodem Loco, conf. cap. 14. X. de Elect, ubi in UNUM LOCUM, in quo fueris electio celebranda, Electores omnes convenire jubet Papa GÖLESTINUS III.

i) Est

i) Est enim, etiam de jure canonico, *electio actus collegialis*, communiter, collegialiter, *capitulariter*, suscipiendus, perficiendus. *cap. 55. X. de Electione*. Conf. Ill. BOEHMERI *Jus Eccl. ad tit. DECRETALIUM de his qua sunt a majori parte capituli*, §. 9. 10. Tomo 2. pag. 666. & *ad tit. de Jure Patronatus*, §. 70. Tomo 3. pag. 510. ubi de *presentatione*, pluribus Patronis, circa subiectum *dissentientibus*. competente, luculenter agit.

k) Sic, ubi suffragia in consultativa & *decisiva*, theoretica & *practica*, *affirmativa* & negativa, complexa & *simplicia* dividuntur, sua sponte patet, suffragia in *electione* Imperatoris, *decisiva*, *practica*, *affirmativa*, & *simplicia* esse, secundum ea, quibus *divisiones* hasce explicavit Ill. Dn. ICKSTATT in laud. jam *Diff. de maj. suffr. num. cap. 1. §. 26. 29. 30. 51.*

### §. III.

#### PARITAS SVFFRAGIORVM ELECTIVORVM.

*Difformia*, Electorum in electione Imperatoris, *suffragia*, secundum ipsam diversorum suffragiorum naturam, inter duos, tres, quatuorve Regni candidatos, necessario *divisa* esse debent. Hæc autem *diviso*, suffragiorum electivorum, inter candidatos, vel *pari*, vel *impari* eorundem numero fieri potest. Quo *posteriori* casu, quum *diversi* nempe Regalis dignitatis candidati, *diverso* quoque suffragiorum numero gaudent, *majoritas* suffragiorum electivorum, quoad numerum, hoc est *pluralitas* eorum sibi vindicabit locum. *Priori* vero casu, quo cuique candidatorum *idem* suffragiorum numerus cecidit, PARITAS sive *æqualitas* SVFFRAGIORVM ELECTIVORVM oriatur, necesse est. Quid igitur, ubi *paria* sive *æqualia*, Electorum in electione Imperatoris sunt *suffragia*, judicari debeat? paucis vel ideo, prius, quam ipsam illorum aggrediamur *pluralitatem*, dicendum erit, quoniam *paritas* hæc, etiam tum, cum impar est, *septem* vel *novem* Electorum numerus, uno scilicet *alium* plane atque a reliquis duabus partibus *diversum*, eligente, multo magis ubi pari numero, *sex* vel *octo*, eligunt, deficiente vel *suspensio*, illa vice, suffragio aliquo, velut in proxime futura electione, ut fama fert, BOHEMICO, tam inter duos quam *plures* Regni candidatos, contingere potest. Erit autem tunc causæ, hujus decisio, ex ipso jure publico *universali*, admodum facilis. Hoc enim dubio caret regula: *Paribus* atque *ÆQUALIBVS* suffragiis nihil agitur, NEMO ELIGITVR. Ratio sufficiens est in promptu. Omnia *suffragantium*, uti in genere, ita & in specie in collegio Electorali, jus, *æquale* est. Nullius membri sententia, alterius suam, ubi suffragia *numerantur*, non *ponderantur*, vel bonitate, vel pondere præcellit. Hinc numero quoque illorum utrinque, secundum hypothelin, *æquali*, omnis plane deficit ratio,

cur *huic* potius, quam *illi* suffragiorum parti, palma sit tribuenda. Et quoniam hoc rerum statu, *ad mutationem non satis adest momenti*, a) res in priori suo *statu* permanet. Hoc est, si de *electione* sermo, neuter candidatorum; *aquali* suffragiorum numero stipatorum, *electus*, nullaque plane *electio* facta, censetur. b) Cum vero *electiones*, praesertim *Imperatorum*, iis merito accenseantur negotiis, quæ, cum alias nullum unquam *Imperium* consequeretur caput, in priori illo statu, inprimis *interregni*, permanere nequeant, nec tamen vel *Homō*, c) qui hoc in *paritatis* dubio decidere valeat, vel *Lex*, quæ hancce tollat *ambiguitatem*, vel *OBSERVANTIA* illorum temporum, quibus *electio legibus* circumscribi cœpit, *invenitur*, nihil amplius superest, quam ut, repetitis prius deliberationibus, ipse *electionis* actus denuo instituat, totiesque *repetatur*, d) donec vel *pluralitas* vel *unanimitas* e) emergat. His enim duobus tantummodo *modis*, Imperator hodie *eligi* poterit. f) Ast, quid si iterata hujusmodi repetitione, neque *unanimitas*, neque *majora*, resulent? Si nullus sententiam suam mutare, alterique, ut *majora* fiant, accedere velit parti? prout ideo facile contingere posset, quia utrique *parti* & unicuique *suffragatori*, idem *jus*, eademque proin *spes* sit, alium quendam sibi accessurum fore. Crucem, hic casus, si, quod *DEVS* avertat clementissime, existeret, *interpretibus* juris publici figeret haud parvam, quorum plerique non auderent *respondere*. Nescimus autem, quod *problema* esto, an non *discors* ejusmodi *electio* vel tandem *comitiis* deferenda, isque Imperator habendus foret, quem *reliqui* Germaniæ Status, g) vel *omnes*, vel *plures* optaverint, quorum iudicio, etiam adhuc post exclusionem, ab ipsa *electione*, multum subinde in *discordia* praesertim, tributum fuisse, *exemplis*, facile, si opus eis foret, demonstrari posset.

---

a) Ut egregie, hodiernum *incomparabilis* scribit H. GROTIUS de *J. B. & P. libro 2. cap. 5. §. 18.*

b) Ad stipulante praesertim RUMELINO *ad Aur. Bull. Parte 1. Disp. 3. tb. 11. pag. 66.* Consentiente etiam *Virorum longe cel* Biga Dn. CRAMERO in *progr. quo Marb. anno 1733. calculo Minerva* suos vindicavit terminos *pag. 7.* atque Dn. ICKSTATT in *Diff. de majori suffrag num. cap. 1. §. 59. 60. sq.*

c) Parum enim hodie curari videas, tam *Pontificis*, sibi hanc decisionem ipso quoque *cap. 34. venerabilem X. de Elect.* vindicantis, nãnas, quam *speculi Saxonicæ, Weichbildi Magdeburgici*, illorumque; qui hisce nituntur, velut *Card. HOSTIENSIS* addictum *cap. 34. & P. de ANDIO de Imp. Rom. libro 2. cap. 2.* nugas, quibus Regem BOHEMIÆ, ceu peregrinum & *juris Slavici*, ordinarium electorem tum demum fuisse judicant, *cum alii discordarent*, ut ille, vel ut *hic* ait, *cum vota Electorum aequalia essent numero*, ut nempe decidat, *majora* faciat, agatque proin, quod COGNITOREM, vid. *diff. cap. 34.* vel argumento *jurium*, CIVILIS, in *L. 17. §. 5. §. 6.*

D. de

*D. de Receptis*, atque CANONICI, in *cap. 12. X. de Arbitris*, vid. Ill. BOEHMERI *Jus Eccl. Tomo I. pag. 960.* SUPERARBITRUM, Germanis nostris einen Obmann, ut ipsa illa *jura Germanica* loquuntur, decet, cum tamen hic ipse nunquam aliud quid fuerit, quam erster, oberster, weltlicher Chur- u. Fürst. Adeat, cui volupe, prolixiorum hujus veterum *commenti* refutationem, exhibentem PEEFINGERUM ad VIIR. *Tomo 3. pag. 860. & 867.* Quodsi adhucdum secundum *veteris & medii ævi*, Germanici *juris publici* principia decidendum foret, vel alter *candidatorum per potentiam* (ut alio demonstrabimus loco) *obtineret*, vel ad *Comitem Palatinum*, tanquam ad *hujusmodi discordia judicem*, *recursus foret habendus*. Utimur verbis Pontificis URBANI IV. in *litteris* suis ad RICHARDUM apud LEIBNIZIUM in *Cod. juris Gent. Dipl. pag. 15.* Quorsum addi omnino meretur Ill. Dni SENCKENBERG *fabula judicii palatini in Casarem, cap. 5. §. 5. pag. 32. sq.*

d) Consilio Dom. ARUMÆI in egregio suo ad *Aur. Bull. Diss. 2. th. 17. THYLEMARI de Oboviratu cap. 24. §. 83. pag. 467.* & inprimis Ill. quondam de COCCEJI in *Diff. de maj. suffr. numero & calculo Minerva sect. 2. §. 12. pag. Exerc. junctim edit. Tomo 2. 728.*

e) Quorsum etiam, ad *unanimitatem* puta, referimus COMPROMISSUM, adprobatum, generatim, quoad electiones, JURE CANONICO, vid. *can. 24. Concil. Lateran. sub Innoc. III. Roma anno 1215. habiti, & cap. 42. X. de elect. & speciatim*, quoad electionem, Imperatoris, quarundam, velut RUDOLPHI I. *Habsb* & ADOLPHI *Nassov.* electionum exemplo & OBSERVANTIA. Ad hoc enim, quia singulorum interesse & jus suffragii, cujus particularem continet *renunciationem* & translationem; propius concernit, *unanimis* singulorum requiritur consensus. vid. *van ESPEN Jus Eccl. parte 2. tit. 21. cap. 4. §. 6.* Si modo *istud* adhuc hodie post *Aurcam Bullam* obtinere poterit, cum illa unice commendet *serutinium*, illudque & *observantia* noviorum temporum taceat & *schola*. Nisi *compromissum* modum plane *extraordinarium*, non nisi *favore* necessitatis licitum, dicere velis

f) Sanciente id, tantum non diserte, *Aurca Bulla tit. 2. §. 4. 5. 6.*

g) Observante ERICO MAURITIO in *Diff. sua de Orig. Elect. & comitiis elect. sect. 2. §. ult.*

#### §. IV.

#### PLURALITAS SVFFRAGIORVM ELECTIVORVM.

Hæc, de *paritate* suffragiorum, in electione Imperatoris, præmonenda fuerunt. Sequatur nunc eandem, ipsa, pluribus jam exponenda, *suffragiorum electivorum* PLURALITAS. Hæc nihil aliud est, quam MAIOR suffragiorum, speciatim *electivorum*, NUMERVS, secundum quem negotia publica, & inprimis *electiones* Imperatorum ad effectum deduci solent. Supponit itaque illa, horum suffragiorum *computum*. COMPVTVS suffragiorum est *numeratio* atque *connumeratio* eorum, quæ unius generis, quæ *uniformia*,

*nia*, velut inter *electiva*, speciatim eorum, quæ *bunc* & illorum, quæ *aliu* designant. Dum nempe hæc ipsa, VNIFORMIA, *connumeranda* deinceps atque *computanda*, ut *unitates* considerantur, atque cum alterius generis *unitatibus* conferuntur, secundum *quantitatem* sive multitudinem *æstimantur*, non vero *qualitatem* sive bonitatem internam *ponderantur*, eaque postremo *præferuntur*, quæ *numero* reliqua vincunt. Sic, ut *præsent* hæc dilucidemus exemplo, si, *novem* positis Electoribus, huic *quinque*, illi vero *quatuor*, vel *duo* primo, *tria* secundo, & *quatuor* tertio faveant, tunc sua sponte patet, non solum, quæ *illum*, quæ *illum*, quæ *bunc*, quæ *primum*, quæ *secundum*, quæ *tertium* eligunt, unius generis, unius internæ qualitatis, ac proin *connumeranda* esse, sed & quod proin casu, *quinque* illa, quæ huic ceciderunt, & in specie posteriori *quatuor* illa, quæ *tertium* designarunt, reliqua omnia, tam ibi *quatuor* ista, quam hic *tria* illa & *duo* numero vincere, ideoque istum censei IMPERATOREM *electum*, qui, ut ibi, vel *quinque*, vel ut hic, *quatuor*, paucis PLVRIBVS *suffragiis* electus fuit. Id quod id ipsum est, quod statim, cum *præliminaribus* hisce, ab aliis satis jamjam expositis a) diutius inhære non liceat, ex ipso particulari *Germanico* jure publico, potissimum vero *Aurea* CAROLI IV. *Bulla* b) *antiquissima* fere & maxime *fundamentali* Lege Imperii demonstrandum erit. Ita vero ILLE *ibidem*: *Nec a modo dicta civitate Franckenfort separentur Electores, nisi prius MAIOR PARS ipsorum temporale caput mundo elegerit.* c) Porro: *Nullatenus civitate exeant antedicta, nisi prius per ipsos vel MAIOREM PARTEM ipsorum Rector & temporale caput fidelium electum fuerit.* d) Iterum, & quidem peculiari hunc in finem posito commate; *Postquam autem in eodem loco ipsi, vel PARS Ipsorum MAIOR numero elegerit, talis electio perinde haberi & reputari debebit, ac si foret ab ipsis omnibus, nemine discrepante, concorditer celebrata.* e) Denique ultima capitis secundi pars diserte innuit, *quatuor suffragia*, tum scilicet, cum *septem* adhuc fuerint Electores, MAIOREM constituere, hancque valere PARTEM. f) Quas CAROLI *constitutiones* ulterius in sequentibus, ipsa hujus pluralitatis *computatione*, dilucidandas, non solum aliquibus, easdem insecutis, confirmatas fuisse *exemplis*, verum etiam hodiernum in quavis *electione*, licet *unanimi* postea, prævia illa, de observanda suffragiorum pluralitate, *stipulatione* confirmari novimus. Quod *exempla* ista *confirmatoria*, hujusque pluralitatis, post Auream *Bullam* observantiæ *probatoria*, adinet, ea neque adeo *multa*, neque adeo *certa*, nihilominus tamen *proferenda* sunt. CAROLVM IV. *patrem*, in Regno & Imperio, *unanimi* Principum Electorum *consensu*, jam isto adhuc vivente Rex designatus, excepit *filius* WENCESLAVS. Cum vero hujus in *imperando* mores & *actiones indecentes* fuerint & *detestabiles*, g) de illo sapius monito, correctionem non moliente, *exautorando* cogitarunt Electores, idque etiam primum ipso facto, *electione* FRIDERICI *Brunsvicensis*, TRIBVS h)

faltcm

saltem mense Majo anni M. CCCC. eidem suffecti suffragiis, deinceps vero ejusdem anni die Aug. XX. *sententia* exauktionis, tandemque, occiso antea nondumque coronato FRIDERICO, *electione* RVPERTI *Palatini* die XXIV. perfecērunt. Quem non nisi QUATVOR, tribus scilicet *Ecclesiasticis*, suoque, *suffragiis* Regem electum fuisse constat, i) *eisdem* nempe, quibus WENCESLAVM prius deslitutum novimus, *absentibus* in utroque actu tam *depositionis* quam *electionis*, *Saxone*, atque *Brandenburgico*, nec non ipso *Bobemo*. Vnde proprie loquendo, cum Aurea Bulla *absentium* suffragia plane non attendat, k) isthæc RVPERTI Electio *unanims* potius quam *pluralitate* suffragiorum facta fuit. IODOCVM, *Moravia Marchionem*, tumque *Electorem Brandenburgicum*, illum, *trium* mensium Imperatorem in discordia contra SIGISMVNDVM, non nisi *quatuor* vel *quinque* suffragiis electum fuisse, nemo hodie amplius dubitat. l) In *Electione* ALBERTI II. expressa quidem *Moguntini*, *Coloniensis*, *Treverensis*, *Palatini* atque *Brandenburgici*, nulla vero prorsus tam *Saxonis* quam *Bobemi* mentio fit. m) FERDINANDI I. Regis Romanorum *electioni* IOANNEM *Saxonie Ducem* atque *Electorem*, una cum aliis *Principibus* Protestantibus, diu contradixisse constat. n) Cum FERDINANDVS II. eligeretur, anno scilicet MDCXIX. FRIDERICVS V. Comes atque *Electo* *Palatinus* sua voce MAXIMILIANVM *Bavarum*, sed ob *pluralitatem* suffragiorum FERDINANDVM II. faventem, *frustra* elegisse novimus. Quæ supersunt SIGISMVNDI, defuncto nempe IODOCO, FRIDERICI III. MAXIMILIANI I. CAROLI V. MAXIMILIANI II. RYDOLPHI II. MATHIE, FERDINANDI III. & IV. LEOPOLDI, IOSEPHI, atque CAROLI VI. *electiones*, istas concordēs atque *unanimis* fuisse, illarum *historiæ* nos docent. Quod vero *posterius*, modernam putamus *stipulationem* adinet, ea omnino, *egregiam pluralitatis* hujus suffragiorum electivorum, præter *legem* scriptam, atque qualemcunque licet, *observantiam*, continet *confirmationem*. Scilicet, ubi ipsa *electioni* destinata dies illuxit, omnesque *Electores* præsentēs, *absentiumque Legati* in CONCLAVI loca sua occuparunt, Notarii testesque adfunt, *Electo* *Moguntinus* reliquos TRIA plerumque interrogare solet. Primo, an forte cuidam illorum quoddam adhuc cognitum sit *electionis* impedimentum; secundo, an *Electores* sæculares, capitulationem jam antea confectam, in eventum, si ipsos eligi contingeret, acceptare; tertio denique: An vigore legis non solum *scriptæ*, Auream puta Bullam, sed & non *scriptæ*, sive observantiæ Imperialis, in casu, si *suffragia* ipsorum forent *dissimilia*, maiora, id est, *majoris* illorum *numeri* *sententiam* adtendere, ejusque jvs adeo salutare, nova promissione, *stipvlata* MANV, *jurisjurandi* loco confirmare velint? o) Quod facere adeo non reculant, ut omnes potius *dextram* statim præbeant. Quo facto, confectisque desuper instrumentis, ipsa demum inchoari solet *Electio*, quæ, cum unus alterve se frustra dissensurum, hacque ratione maximum electi *odium* incursum fore,

fore, prævideat, a longo tempore, *unanimitis* facta fuit, quod ut & *hodie* fiat, est, quod omnes boni peroptant.

a) Quo nomine e *sexcentis* aliis omnino commendandæ sunt COCCEJANA & ICKSTATINA, de eo quod *justum est circa majorem suffragiorum numerum, dissertationes.*

b) Quod nihil plane de hujus ipsius *suffragiorum in electione Imperatoris pluralitatis* ORIGINE atque OBSERVANTIA ante *Auream Bullam* adtulerimus, sed ab hac demum inceperimus, miraberis forte & non sine causa B. L. Verum ista de ORIGINE *disquisitio* sub manibus adeo excrevit, ut *peculiari*, eodemque proxima occasione prodituro, reservanda fuerat *opusculo*, quo eandem statim cum ipsa *Electorum solitatorum origine* natam, atque omnium primo circa *electionem RUDOLPHI Habsb.* observatam fuisse demonstrabimus, eorumque omnium, qui istam vel ab ipsa *electionis* origine, vel *unione electorali*, imo *Aurea* demum *Bulla* repetunt, confutabimus opinionem.

c) *Tit. sive Cap. 2. §. 4.* d) *Tit. 2. §. 5.* e) *Eod. Tit. 2. §. 6.* f) *Ibidem §. 10.*

g) Sunt ipsa *sententia* a MOCUNTINO contra WENCESLAUM lata verba apud URSTISIUM *Tomo 2. in fine.*

h) Docente H. MEIBOMIO, *Nepote*, in pec. de hac FRID. BR. *electione*, quæ extat in *Tomo Script. Germ. MEIBOM 3. fol. 420.*

i) Evolvat hanc *electionem* atque præviam WENCESLAI *depositionem* ex ipsis illarum *actis* exhibentem ULR. OBRECHTYM in *Adparatu Jur. publ. p. 43. sq.* Addi tamen poterit *spicilegium* horum actorum in EDM. MARTENE *Thesauro Anecd. Tom. I. p. 1634. 1636.* obvium.

k) Postquam sc. genuinam hujus JODOCI *electionem* ex ipsis *actis* investigavit: CEL. KOHLERUS *peculiari* de illa habita *Diff.*

l) Ab Andr. PRÆBYTERO *Ratisbonensi* in *Chron. Bav.* apud SCHILTERVM in *vol. rerum Germ. pag. 61.* Imputent vero hi sibi ipsi *absentiam* suam, *unanimitati* non obstantem.

m) Conf. SLEIDANVS *libr. 7. Comment. suorum & GOLDASTVS in denen Politischen Reichs-Gändeln §. 2. 3. pag. 137. 146.*

n) Habes *voti* illius *Palatini* verba in *Manifesto CAROLI LUDOVICI, filii illius, de anno 1637.* apud LONDORPIVM *Tomo X. Libro 3. cap. 109. pag. 771.* Adde *pag. 726.*

o) Ad uberiorem hujus *stipulationis* minus quidem *necessaria*, quam *utilis* dilucidationem, ipsa *solemnium* hujusmodi *questionum* verba dabimus, prout ea MOCUNTINVS in *electionibus* novissimis JOSEPHINA & CAROLINA protulit, apud SIGISM. FERRARIUM de *Elect. & Coronat. JOSEPHI part. 2. cap. 2. p. 105.* atque in DIARIO *electionis Caroline Francof. ad diem 12. oct.* nec non ANT. FABRI *Staats-Canzley* *tomo 18. pag. 477.* in sequentibus absque magna *diversitate* reperienda terminis. Wie nicht weniger da bey dieser Wahl *disparia* (oder *spaltige*) *vora* sich ereignen möchten, daß alodann die *majora* (mehrere *Stimmen*) gelten, und diejenige



jenige Person , auf welche die mehrere Stimmen fallen , anders nicht , als wenn selbige einhellig (einnützig) erwähler , (zum Röm. König erkieset ,) und dafür gehalten (auch *proclamirt* ) werden solle ; als wolle sich Euer Mayng versehen , man werde solches alles an geschwobner Eydesstatt zuzusagen , (mit gegebenen Händen an Eydesstatt zu versprechen) kein Bedencken tragen , worein die Herrn Euer Fürsten und Gesandten ebenfalls gewilliget , und darauf einander die Hand gegeben , (diese an Sie gesonnene Handgelob- und Versprechungen wirklich geleistet.) Ceterum eandem hanc stipulationem jam in CAROLI V. electione anno 1519. a MOCENTINO adhibitam fuisse, Protocollum istius electionis docet apud GOLDASTUM Parte I de rer Reichs-Handel etc. 26. p. 41. Tamen enim , potissimum ob conatus TREVIRENSIS pro FRANCISCO Galliarum Rege necessaria hæc cautio videbatur, inde forsan hucusque retenta.

### §. V.

#### PLURALITAS VEL ABSOLUTA VEL RESPECTIVA.

Hanc ipsam, quam in *Electionibus Imperatorum* obtinere modo probavimus, suffragiorum pluralitatem, ex divisione suffragiorum *difformum* inter Regni candidatos, sed *impari* atque *inaequali* numero facta, oriri jamjam observavimus. Quodsi igitur, ut ad id nunc progrediamur, quod caput rei est, suffragia hæc *electiva* inter candidatos non plures quam *duos* divisa sint, *majora*, quæ inde oriuntur, necessario *dimidio* totius Collegii *Electoralis*, NUMERVM excedent. Quam ob rem tam *ipsa*; quam ipsorum effectus, *pluralitas* sc. ABSOLUTA dici solent. Quodsi vero suffragia *electiva* inter plures candidatos, *tres* velut *quatuorve* divisa sunt, *majora*; quæ inde oriuntur, necessario *dimidio* totius Collegii *Electoralis* NUMERO minora erunt. Quam ob rem tam *ipsa*, quam ipsorum effectus, *pluralitas* scilicet, RESPECTIVA dici solent. Sequens exemplum, tam ipsam hujus *pluralitatis* suffragiorum, *respectivæ* atque *absolutæ*, diversitatem, quam earundem *adpellandi* rationem, pluribus dilucidabit. Collegium *Electoral* modernum, connumerato tantisper quoque BOHEMICO, *novem* tam *Electo*ribus, quam *suffragiis* absolvi, lippis & tonsoribus notum est. Iam igitur, fac *duos* saltem adesse, qui Regnum ambiant, quos inter *novem* hæc suffragia, sed *impari* numero, divisa sint, tunc si PRIMO *sex* faveant, SECUNDVS autem *tribus* gaudeat, is habebit *majora* & quidem *absoluta*. Ratio, quia numerus suffragiorum suorum non solum *tribus* competitoris sui suffragiis, sed & *dimidio* totius Collegii numero *major* est. Fac autem e contrario, *novem* hæc suffragia *electiva* inter tres Regnum ambientes candidatos *impari* numero ita esse *divisa*, ut PRIMVS *quatuor*, SECUNDVS *tria*, TERTIVS autem non nisi *duo* nactus fuerit suffragia, PRIMVS quidem habebit *plura* seu *majora*, non

non autem totius Collegii intuitu, ejusque *dimidium* numerum superantia, hoc est *absoluta*, sed tamen *respectiva*, hoc est respectu reliquorum suorum *Competitorum*, SECUNDI atque TERTII, *majora*. Fatemur, *adpellandi rationem* non adeo commodam esse, neque tamen illa commodiorem novimus. Quæ enim hac ratione *absoluta* sunt, ea pariter totius Collegii intuitu *respectiva* dici possunt. Ut adeo *utraq*ue proprie *respectiva* adpellari possent. Illa, quæ *absoluta* vocantur respectu totius Collegii, cujus *dimidium* superant numerum. Hæc vero, quæ regulariter & eminenter *respectiva* audiunt, respectu plurium *competitorum*, quorum suffragiorum numeros, *sigillatim*, minime vero *conjunctim* superant, talia forent. Neque ad defensionem hujus *adpellationis* sufficit, hæc ideo *respectiva* adpellari, quia nec *perperuo* nec constanter, sed ex *accidenti* saltim *majora* sint, hæcque esse desinant, si reliquorum nonnulla *conjugantur*, quia ideim de *absolutis* dici poterit, quippe quæ pariter *talìa* esse desinunt, quam primum quædam eis *subtrahuntur*, atque vel cum contrariis *conjugantur*, vel *tertio* cuidam intervenienti conceduntur. Interim, cum *perspicua* terminorum *explicatio* omnem tollat *ambiguitatem*, in *terminis* sumus faciles, modo in *re ipsa* conveniamus.

## §. VI.

### PRO ABSOLVTA PLVRALITATE COMMVNIS OPINIO.

Vbi vero jam *ipsa*, cujus in gratiam hæc omnia *præmisimus*, instituitur *quæstio*: utrum in *electione* Imperatoris a) *pluralitas* tantummodo *absoluta*; an vero etiam *respectiva*, valeat? hoc est, utrum *majora* in *electione* Imperatoris suffragia, *dimidium* totius Collegii electoralis *numerus*, superare debeant; an vero sufficiat, si, quæ *plurima* sunt, suffragia, respectu saltem, tum reliquorum *competitorum*, tum *minorum* eorundem partium, *majora* sint? COMMVNEM atque *unanimum* omnium fere juris *Germaniæ* publici, quotquot nobis adhuc evolvere licuit, interpretum, illam deprehendes b) SENTENTIAM, quæ suffragiorum *pluralitatem*, non nisi ABSOLVTAM, in *electione* Imperatoris *admittit*, quæ *majora*, dimidiam præcise totius COLLEGIUM partem superantia, *talìa* demum eorundem *suffragiis*, quæ cum hodie NOVM sint *Electores*, neminem, nisi QVINQVE eorundem *suffragiis*, Imperatorem *eligi* posse, docet. Cum vero, inter præcipuas *discendi* regulas, illa quoque haud postrema sit, quæ de verissimis etiam *dubitare* jubet, nemo nobis, a *præjudicio auctoritatis* longe alienis, vitio vertere poterit, si liberrima ista, qua in *Germania*, quoad *publicas* etiam causas, ex ipsa illius *formulæ* natura gaudemus, facultate c) utentes, de hac quoque, certissima *tuc usque* ab *omnibus* habita, dubitemus sententia, eumque in finem, *primo*, argumenta proferamus ista, quæ *RESPECTIVA*, tam in *genere*, (§.sq. VII.) quam

adpicate

adplicate ad electionem, (§. VIII.) & quidem Imperatoris Romano-Germanici, (§. IX. & X.) commendare valeant, secundo, eorum recensamus fundamenta, quibus unice, sive in genere, sive in hac quoque specie, placet ABSOLVTA, (§§. X-XV.) hisque, tertio, pro ea, qua decet, tam erga Leges Imperii, quam præcipuos, rerum Imperialium Consultos, pietate & modestia, ista statim (cit. §§. X-XV.) subjungamus, quæ in favorem respectivorum, si pro hisce judicandum foret, regeri illis possent, in omnibus autem, quarto id sedulo caveamus, ne quod Legibus moribusve haud decisum, nos decidere audeamus, sed potius hic etiam ad sacrum illud confugientes silentium, hanc ipsam validitatem & sufficientiam RESPECTIVAE d) suffragiorum in electione Imperatorum PLURALITATIS, non aliter quam ceu HYPOTHESIN privatam, usque ad legalem, sive comitalem ejus confirmationem, in utramque partem, ad instar plurium juris publici capitum, disputandam exhibeamus.

a) Quod enim ad reliqua Germaniæ nostræ, si ab electoralibus discesseris, adinet comitia, tam particularia, quam universalia etiam, hæc ipsa quoque de iisdem institui posset tractatio, quæ tamen præsentī instituto nimis proluxa fuisset, atque ex eodem multam capere poterit lucem. Accedit, quod nostram, de hac ipsa tam absolutam, quam respectiva suffragiorum comitialium pluralitate, sententiam contra laudatam Cel. ICKSTATTII Diff. cap. 2. §. 20. pag. 72. libere jam dixerimus in Diff. de independentia juris circa sacra §. 16. nota n) pag. 44. sq. & ulterius adhuc dicere quæmus, in promisso supra opusculo de ORIGINE pluralitatis hujus suffragiorum in electione Imperatoris, quippe quæ olim objectum comitiarum etiam universalium fuit. Conf. interim Ill. B. de OSTERHAYSEN Diff. de jure singulorum sect. 2. §. 4. sq. pag. 33. sq. & Ill. Dn. de LVDWIG ad Aur. Bull. Tomo I. pag. 378. & Tomo 2. pag. 148. sq.

b) Quem ad modum ut e sexcentis, potiores atque noviores saltem adducamus, in electione Imperatoris majora non nisi ABSOLVTA post DECIMUM, MORIAM, EVERHARDVM, MARCAM, PANVINIUM, CASTAIDVM, LANCELLOTVM, BORTIVM, SELDIVM, DIETERICVM, aliosque complures, minorum adhuc gentium deos, agnoscunt Gerl. BYXTORFIVS ad Aur. Bull. cap. 2. concl. 35. RVMELINVS, MYLERVS, & SCHWEDERVS ibidem in Diff. 3. tb. 9. pag. 64. THVLEMARIVS in Octovir. cap. 24. §. 82. OBRECHTVS in Diff. de elect. Imp. tb. 13. VITRIARIVS & PFEFFINGERVS, ille in Instit. juris publ. Libro 1. tit. 6. §. 15. hic in amplissimis suis ad istum notis ibid nota b) Tomo 1. pag. 329. STRVIVS in Corp. juris publ. cap. 7. §. 18. Ill. Dn. de LVDWIG ad Aur. Bull. tit. 2. §. 6. nota p) Tomo 1. pag. 373. Ill. Dn. ICKSTATT in Diff. de majori suffr. numero cap. 2. §. 20. pag. 78. 79. Majorem eorundem cumulum, non abs re superfluum duximus.

c) Nos enim, ut ceteri, alia certa, alia incerta offendunt, sic ab his dissidentes,

*sentientes, alia probabilia, alia non probabilia esse dicimus. Nam quid est, quod nos impediât, quæ nobis probabilia videantur, sequi, quæ contra, improbare: atque adfirmandi arrogantiam vitantes, fugere temeritatem, adde & timiditatem, quæ a sapientia dissident plurimum. Sunt egregia M. T. CICERONIS de officiis libro 2. cap. 2. pag. edit. Elzevir. 1231. sq. verba.*

d) Cui quidem sententiæ, *respectivis* quoque, eadem, quæ *absolutis*, ratione, in ipsâ etiam Imperatoris electione, faventi, atque heic a nobis in vicem *problematis*, non nisi *imperiali*, eademque *pragmatica sanctione*, decidendi propositione, nullum adhuc, quod fatemur, reperire licuit, *patronum*. Quodsi quidem *Ill. Dn. de LVDÉWIG*, qui alias *veteres* non sine gravi causâ sequi solet, quemque paulo ante pro *communi* laudavimus sententia, in *Consl. Halens. libro 2. conf. 36. tome 2. fol. 1177.* evolvas, reperies eundem circa electionem *Physici* cujusdam, *RESPECTIVÆ* huic suffragiorum *pluralitati*, in subtrato ibi casu, ex hac quoque *casaræ* electionis *analogia*, aliisque quibusdam, non adeo magni momenti, rationibus faventem, hocque nomine, laudantem tam *ARMÆVM ad Aur. Bull. Disc. 2. tb. 16. pag. 102.* quam etiam *LVPOLDVM, Doct. Decretorum, Mogunt. Herbip. & Bamberg. ecclesiarum canonicum*, hujusque tandem *episcopum, de juribus Regni, & Imp. Rom. cap. 12. apud Simon. SCHARIDIVM de jurisdictione Imp. pag. 380.* Cum tamen, post sollicitam illorum evolutionem, habitamque diligentem eorum opinionis investigationem, *utrumque*, motis etiam haud adeo multis dubiis, non nisi *ABSOLVTAM* admittentem videas, hincque facile credas, hos illos ipsos esse, quos *reliqui* hucusque *uno ore* fuerint secuti. Id quod, cum mirandum omnino sit, nos ad instituentendam hanc ipsam, penitiorum hujus rei *investigationem*, sive *utriusque* partis, quæ pro *absolutis* adducuntur, & pro *respectivis* adduci possent, argumentorum *excussione* facile commovit.

## §. VII.

### PRO RESPECTIVA PLVRALITATE PRAESVMPTIO.

Esto igitur *PRIMUM* statim, quod pro *RESPECTIVA* quoque *suffragiorum in electione Imperatoris PLVRALITATE*, moveri posset argumentum, *præliminare* velut atque generale, quod *naturalis*, quæ pro illis etiam majoribus, quæ *respectiva* saltem sunt, militat *PRAESUMPTIO*, hincque oriundus generalis illorum *favor*, suppeditat. Ea enim ipsa, rerum humanarum *conditio*, quæ *meliora*, optima, *pluribus*, omnibus haud placere solent, a) quæ suffragia ob *æquale* suffragantium jus, *numervanda* non *ponderanda* sunt, b) quæ sententia illorum suffragiorum, quæ non tam *saniora* atque *meliora*, quam potius *plura* & numero *majora* sunt, adprobatur atque reliquas omnes *vincit*; c) illa ipsa *necessitas* atque utilitas suffragia *majora* non *absoluta* modo, sed & *respectiva* adprobare videtur. Omnia enim illa fundamenta, quibus ipsa ordinaria illa, quæ plerumque intelligi solet, *absoluta* suffragiorum

giorum *pluralitas* nritur, varias istas puta, tum ipſorum in ſocietatem civilem coeuntium *voluntatis*, d) tum majoris in majori parte *perſpicacie*, e) tum faciliſſoris negotiorum civilium *exitus*, f) *combinandas* magis atque ſubordinandas, quam ſibi invicem *opponendas* præſumptiones *reſpectivis* æque ac *abſolutis* favent. Vnde enim *primo* demonſtrari poſſet, præſumptam ſocietatem civilem ineuntium voluntatem ad hæc, *abſoluta* intellige, ſolummodo reſtringendam eſſe, cum hæc ipſa præſumptio non niſi quotidiana illa nitatur experientia, quod negotia quæcunque *facilius* longe ſuffragiorum *pluralitate*, quam *unanimitate*, quippe quæ, præſertim in rebus magni momenti, haud ſperanda, inter caſus *fortuitos* referenda, hincque legibus publicis haud ſtabilienda, effectum finemque ſortiantur. Hoc vero commodum multo magis adhuc ipſa *reſpectiva* ſaltem ſuffragiorum pluralitate, tum ſcilicet quoque, cum *abſoluta* deficiat, obtineri poſſe, ex ipſa *illius*, nec non ſuffragiorum, quæ haud raro *ſingularia* ſunt, natura deinceps ſtatim oſtendendum erit. Quemadmodum *ſecundo* etiam illa majoris in parte majori perſpicacie præſumptio, *reſpectivæ* ſuffragiorum pluralitati pariter omnino applicanda eſt, cum illi quoque, qui ratione partium *minorum* atque competitorum ſaltem, licet non totius *Collegii* intuitu, *majora* faciunt, *majorem* conſtituant *partem*, *majoremque* proin etiam poſſidere queant *perſpicaciam*. Sed inſtabis forte, eſſe tamen omnino adtendendum *diſcrimen* quoddam quoad *gravitatem* g) inter negotia publica atque privata, quem ad modum in his, circa *civilia* atque *criminalia*, rurfus non una reperitur differentia. h) *Ea eſt*, inquires ſine dubio cum Illuſtri Ickſtatt, i) ſubinde *negotiorum gravitas*, & *ſiniſtri eventus periculum*, ut non niſi ex *abſolute majoribus conſeſum* formari *conſultius* ſimul atque ſecurius ſit, hucque cum *Eodem* referendas inprimis eſſe putabis *electiones*, negotia illa tanti momenti, in quibus totius Imperii intereſſe verſatur, e quibus univerſi Imperii ſalus atque tranquillitas pender. Verum enim vero, licet nemo ignoret, diſſerre negotia *publica* quoad *gravitatem* ſuam, alia aliis longe majoris momenti, atque proin longe majori etiam ſollicitudine tractanda & expedienda eſſe, *quanvis* inter omnes conſtet, quanti *Germaniæ* interſit, illum, qui maxime idoneus, *eligi* atque obtinere, *erſi* in genere & in diſtincte negandum haud ſit, conſultius ſubinde pro re nata, *tutius* ſecuriusque fore, non niſi *abſolutis* eligere, licet ſua ſponte inde fluat, legibus tam *civilibus*, quam etiam *publicis*, eiſdemque fundamentalibus, *abſoluta* tantum diſerte ſtabiliri poſſe, quanquam iſtud forſan haud ſuadendum ſit, immo actu etiam quibuſdam *juribus*, id quod de *pontificio* progreſſus docebit, ſtabilita eſſe: nemo tamen *eccontrario* inſicias ire poterit, quod *negotia publica* hoc quoque nomine *diverſa* eſſe ſoleant, ut alia aliis longe *celerius* definienda atque perficienda ſint, quod *Germaniæ* omnino inter-

interfit, *electionem quantocyus peragi*, k) quod suffragiis *respective* saltem majoribus, is quoque, qui omnium optimus, *eligi* queat, quod ex eadem jam adducta *analogia* majoris, in majori, sive *respectiva*, sive absoluta, parte, perspicacia, suffragiis, etiam *respectivis* saltem, *electus*, optimus & maxime idoneus sit censendus, quod non solum in jure publico *universali* nihil sit reperiendum, quod in genere hñce *respectivis* adversetur, l) quod denique in jure nostro publico *Germanico* neque *lex*, neque *observantia* adlit, quæ *absoluta* tantum, cum exclusione *respectivorum* præcipiat suffragia, prout sequentia quemvis facile docebunt.

a) Teste L. Ann. SENECA de vita beata cap. 2. ubi, non tam bene cum rebus humanis agi, eleganter scripsit, ut meliora pluribus placeant.

b) Numeranda, inquit Idem, sed alio loco in Epist. 12. libro 2. sententia, non ponderanda, nec aliud in publico consilio fieri potest, in quo nibil tam inaequale, quam aequalitas ipsa, cum par sit omnium jus.

c) Id quod ex eadem, quam diximus ratione, pluribus probavit, qui circa *respectiva* in genere & in specie quoad *electionem Imperatoris* nihilominus dissentit Ill. ICKSTATT in *Diff. de maj. suffr. num. cap. 1. §. 35. sq. §. 65. sq.*

d) Quam potissimum laudavit H. GROTIUS de Jure B. & P. Libro II. cap. 5. §. 17. idemque laudatus jam ICKSTATT §. 42.

e) Vid. PFENDORFVS de J. N. & G. Libro 7. cap. 2.

f) Docente Ill. quondam de COCCIIUS in *Diff. de Numero suffragiorum & calculo Minervæ*, sect. 1. §. 6. 9. Tomo Exercit. Acad. II. pag. 205. sq.

g) Quorsum omnino facit egregius Ill. BOEHMERI labor, quo in pec. *Diff. naturam atque indolem causarum majorum atque arduarum* ex utroque jure, privato & publico, investigavit. vid. cap. 1. §. 13.

h) Conferri omnino debent HORNII atque LYNCKII *Diff. illa de paribus judicium & arbitratorum sententiis*; hæc de officio judicis circa *conjungendas diversas affectionum sententias*.

i) In sæpius jam laudata *Diff. cap. 1. §. 70. pag. 62.*

k) Pluribus id ostendente Constantino illo MODREVIO, Polono, in sua de *maturanda Imperatoris electione* jam superiori anno Nanceji, typis, si credere fas est, Bassettianis, edita admonitione ad Germanos.

l) Quæ proin etiam jure meritoque locum invenere in notissimis istis casibus A. GELLII in *Noët. Atticis Libro 9. cap. 15. & QUINCTILIANI in Declam. 365.*

## §. VIII.

### NATURA SVFFRAGIORVM SINGVLARIVM.

GENERALIS ille, de quo nobis adhuc sermo fuit, pluralitatis suffragiorum *respectivæ*, favor atque *præsumptio* SECUNDO admodum *specialis* fit eoque fortior,



tior, ubi de ejusmodi causis sermo, in quibus non saltem *adfirmari* quid debet vel *negari*, sed in quibus præterea aliquid *determinandum* est, cujus determinatio non uno, non duobus saltem, sed plurimis plane modis variari potest. Quemadmodum suffragiorum *electorum* natura ita est comparata, ut non tam an *eligendum* sit, adfirmare vel negare, sed præterea etiam certam *personam*, quam futurum velint Regem, *denominare* debeant. Quæ denominatio totidem modis variare poterit, quot *personæ* adsunt *eligibiles*. Plures autem adesse posse, quis negabit? Ubinam vel *lex*, vel *observantia* illa extat, quæ non pluribus quam *duobus* Imperium ambire permittit, quæ suffragia inter *duos* saltem dividenda esse præcipit? Integrum potius est omnibus, qui quadam saltem spe istud obtinendi gaudent, hancce dignitatem summam ambiendi, quemadmodum *olim* quoque plures a) *Principum* soliti fuerant variis ideo uti *artibus*. Liberum b) potius est cuivis Electorum, istum nominandi, *eligendi*, quem ipse vult, quem ipse dignissimum putat, sive ab aliis quoque hoc ipso nomine *laudetur*, nec ne. Hic enim non confundendæ sunt *justitiæ* leges, cum *prudentiæ* consiliis, quæ aliud forsân suadere possunt. Ita ut omnino casus existere possit, quo tot *electiones* atque *electi* forent, non solum quot *eligibiles*, sed & quot *eligentes* atque *electores*, c) tot *nominati*, quot *nominatores*, si nempe PRIMUS *nomini*, SECUNDUS *octavum*, TERTIUS *septimum*, QUARTUS *sextum*, QUINTUS *quintum*, SEXTUS *quartum*, SEPTIMUS *tertium*, OCTAVUS *secundum* & NONUS denique *primum* eligeret. Quo casu *electio* omnino foret nulla, quippe ne *pluralitate* quidem sive *absoluta*, sive *respectiva*, multo minus ipsa *unanimitate* existente. Idque eo certius, quo minus ejusmodi diversa plane suffragia electiva ullius *conjunctionis*, cui infra suos vindicabimus terminos, capacia sunt. Quodsi vero etiam non *omnia* suffragia *electiva* hac ratione sint *diversa*, sed potius nonnulla ipsorum, cum aliis, ob eandem internam *qualitatem*, ob *idem*, quod in sinu fovent, *subjectum* conjungi, connumerari, hacque ratione computari queant, quædam tamen in diversa abeant, ita ut suffragia quidem *majora*, licet non *absoluta*, *respectiva* tamen oriantur, quando v. gr. QUATVOR *primum*, TRIA *secundum*, OCTAVUM *tertium* & NONVM *quartum* eligunt, tunc *primus* ille obtinebit Imperium, qui *quatuor* atque adeo majoribus, sed *respectivis* saltem stipatus est, idque non ob *generalem* solum, paulo ante stabilitam, pro *respectivis præsumptionem*, verum etiam ob ipsam illorum, OCTAVI *tertium* eligentis, & NONI, *quartum* nominantis, suffragiorum naturam, quæ omnem illorum impedit *pluralitatem*, omnem illorum prohibet *computationem*. Sunt enim *singularia*, atque ex ipsa dissentientium, præsertim vero *Illustris* ICKSTATT d) *sententia computari* nequeunt cum reliquis. *Singularia* vocamus suffragia, quæ de *simplici* deliberationis capite, veluti, quomodo reus sit puniendus, quis eligendus? prolata, *intrin-*

*intrinsece inter se differunt.* Exempla definitionem magis adhuc dilucidabunt. Sic is *ipse singularia* dixit non solum illa, quibus unus e tribus iudicibus reum morte puniendum, secundus relogandum, tertius vero multandum censuit, sed etiam ea, quibus e *tribus*, *quatuor* vel *novem* Electoribus, vel omnes singuli, vel quidam tamen illorum *alium*, atque a reliquis longe *diversum* eligunt. Quemadmodum enim in proposito paulo antea casu, *quatuor* & *tria* illa, quæ *primum*, quæ *secundum* nominarunt, intrinsece inter se conveniunt, hincque conjungi, connumerari, & computari possunt; ita e contrario tam hæc ipsa *quatuor*, hæc ipsa *tria*, quam *octavum* illud atque *nonum*, quorum illa *primum*, ista *secundum*, hoc *tertium*, ultimum vero *quartum* ex hypothese laudarunt, eo ipso, quod *quatuor* diversis faveant *candidatis*, intrinsece differunt, hincque plane non conjungi, neque in primis *duo* illa posteriora, cum nulla habeant, quibuscum intrinsece conveniant, quibuscum conjungi valeant, *computari* possunt. Omnis enim CONIUNCTIO, interna *convenientia*, COMPUTATIO autem *conjunctione* cum aliis, citra quam neque *major* neque *minor* pars intelligi potest, nescitur. Est quippe *conjunctio* immediatum, *convenientia* autem mediatum *computationis* fundamentum. Cumque utrique, & *conjunctioni* & proin etiam *computationi* tantopere adverteretur interna suffragiorum discrepantia, sua sponte sequitur, quæ non *conveniunt* interne cum aliis, ea neque *conjungi*, quæ non conjungi, ea neque *computari* posse. Suffragia, quæ computari nequeunt, nullius ponderis atque momenti sunt, immo quatenus de ipsa *computatione* sermo, adesse non intelliguntur, neque proin suffragiorum *pluralitati* vel obsunt, vel profunt. Tunc igitur, quum, in *electione* quadam, adsunt suffragia *respectiva*, & quæ hæc presso pede ubique sequuntur, *singularia*, hæc *primo* non computantur, *secundo* velut absentia considerantur, unde tertio, si v. gr. ut in casu subtrato, duo adsint suffragia *singularia*, collegium *electorale*, quoad istam puta electionem *duobus* intellectu juris carebit suffragiis, qua ratione *quarto* QUATUOR illa, quæ *primum* elegerunt, quæ *majorem* partem *Collegii*, in se & prout semper, abstrahendo ab hac vel illa electione, comparatum esse solet, considerati haud constituunt, hoc est *respectiva* saltem sunt, tamen obtinebunt, præsertim quod non computatis istis *duobus*, quæ secundum concessa & demonstrata computari nequeunt, singularibus, *majorem* eandemque, si mavis, nomenque saltem amas, *absolutam* constituunt partem, vel quodlibet etiam secundum *fictum*, (non *verum* illorum) sive *præsumtum* consensum computanda forent, iis potius, quæ numero *majora*, quam illis, quæ *minora* sunt, atque adeo non *tribus* illis, secundum eligentibus, sed *quatuor*, primum suffulcientibus, accensenda essent. Qua enim alia ratione effectum consequi posset ejusmodi electio, in qua *majora* emergunt, quæ absque dubio



dubio etiam in *electione Imperatoris* saepius emergere possunt, *respectiva*? An *repetenda* forsan tuo consilio erit *electio*? id quod citra necessitatem haud faciendum. In genere enim quilibet *actus*, etiam in *publico* jure, quoad ejus fieri poterit, conservandus est. e) Multo magis talis, circa quod ejusmodi *dubium*, & ipsius quidem *juris*, f) occurrit. Et quid si, facta etiam *repetitione*, denuo resulerent *respectiva*? Quis hoc deinceps casu decideret? An forsan *Pontifex*? an *Rex Bohemiae*? an *Comes Palatinus*? g) an *Lex*? an *Observantia*? quae non reperiuntur, h) an *privatum* utriusque candidatorum *duellum*? i) an praelium in agro *Francofurtensi*? k) an omnes forsan, duo, tres, quatuorve unam eandemque dignitatem *indivisum* obtineant? l) an Imperium, Comitatus, *Status* omnes? quibus id Electores vix ac ne vix quidem relinquunt, nec ad id tenentur, quandiu alia adhuc superest elabendi via. Vides inextricabiles oriri nodos, difficultates, si majora *respectiva* in *electione Imperatoris* repudiemus. Vides, istas uno halitu evanescere, si locum hisce relinquamus. Vides, nullum aliud adparere remedium, quo plurimum *diffensus*, quo suffragiorum *electivorum* inter plures candidatos *divisio*, eademque, quae *respectiva* gignit, inaequalis, ad concordiam, omni quippe deficiente *judice*, omnium aequali jure, reduci queat. m) Vides denique, quanti interfit *Germaniae*, Europae, ut in *electione Imperatoris* *suffragia* sufficiant, sufficientiaque reputentur *respectiva*.

a) WIPPO in *vita* CONRADI II. *Salici*, apud PISTORIUM *Tomo III. pag. edit. SERV. 462.* Nam cum Imperator HENRICVS II. sine filiis obiisset, quilibet potentissimus saecularium Principum, vi magis quam ingenio nitebatur aut fieri primus, aut quacunque pactione a primo secundus (puta inter Regni candidatos) ex qua re discordia pene totum Regnum invasit. Tacemus alia *exempla & testimonia*.

b) Conferri omnino meretur III. BOEHMERI *Diff. qua libertatem suffragiorum in causis & collegiis publicis Hale anno 1720. pluribus excussit.*

c) Vt cum Pontifice GREGORIO IX in *cap. suo ss. X. de Elect.* loquamur, qui hanc absurditatem, ut toties *electiones*, quot numero *eligentes*, communi atque *collegiali* *electione* avertendam esse statuit.

d) In laudata *Diff. cap. 1. §. 57. 58. pag. 45. sq.*

e) Argumento tam ipsius *naturalis* quam *civilis Romani* juris. vide *L. 80. D. de verb. oblig. & L. 67. de Reg. Juris.*

f) F. Kente & observante praesertim LYPOLODO *Rabenb.* in laudato jam *cap. 12. de Jure Regni*, apud SCHARDIUM *loc. cit. pag. 380.*

g) Vid. supra §. 111. nota c) pag. 12. 13.

h) Prout sequentes id docebunt §§. 10. 11. & 12.

i) Qua ratione omnem hanc circa *paritatem disparitatemque* suffragiorum diffi-

difficultatem tollere voluit *Henr. ZOLLNER* in *Disp. de Elect. Imp. R. concl. 17. in fine*. Caterum egregia multa de hoc ipso modo collegit *DITHMARVS* in *pec. Diff. de Judiciis duellico, præsertim in causis illustribus, sect. 2. pag. 251. Exercit.* Ejus junctim edit.

h) Vid. *DRESSERV* in *Descript. Urb. Germ. v. Francof.*

l) Suadente, egregio isto *cursum mundi*, vid. *LYDEWICH Erläuterung der gold. Bull* in *præf. Tomi II. §. 32. doctore GOEDENIO* in *17. de Elect. Imp. cap. 7. n. 3. atque exemplo voluntarii iustis a Cel. KOEHLERO* rursus *stabiliti consortii Imp. inter FRIDERICVM Austr. & LVDVICVM Bav.*

m) Conf. Ill. quondam de *Cocce* is jam laud. *Diff. de num. suffr. sect. 1. §. 1. § 4 pag. Tomi II. Diff. 702. 704.*

## § IX.

### ANALOGIA AVREAE BVLLAE.

Ne vero, expositis hisce duobus, non spernendis, pro *respectiva* suffragiorum in electione Imperatoris *pluralitate*, argumentis veluti *præliminaribus*, in generalioribus hisce diutius hæreere atque penitus subsistere velle videamur; age, promoveamus pedem, descendamus ad specialiora atque videamus TERTIO: quam, utrum nostra, an dissentientium sententia magis fundata sit in ipsis legibus publicis & præsertim lege illa, circa electionem Imperatoris maxime *fundamentali* atque principali, AVREA scil. CAROLI IV. BVLLA, ejusdemque si non *expressis verbis*, ANALOGIA tamen, in *publico* atque ac *privato* jure summe necessaria, a) atque in causarum etiam illustrium decisionibus ipsis legum *verbis* statim subjungenda. Est enim hic ante omnia fatendum, sanctiones istas CAROLI IV. jam supra in medium adductas *pluralitatis* suffragiorum in electione Imperatoris in *genere* quidem, minime vero in *specie*, vel *absolutæ*, vel *respectivæ*, mentionem facere. Occurrit ibi quidem appellatio PARTIS IPSORVM, sive ut aliqui codices editi atque inediti leguntur, EORVM MAIORIS, verum quæ MAIOR PARS, utrum illa intuitu totius Collegii *septem-otto-vel novem-viralis*, an hæc, comparatione partium *minorum* talis, hoc est, utrum *respectiva* quoque an *absoluta* saltem sufficiat? non exprimitur *diserte*. Hoc quidem supra laudati *absolutæ* tantummodo suffragiorum electivorum pluralitatis fautores, b) ex unica illa phrasi, imo verbo isto unico IPSORVM vel Eorum extorquere conantur. Inquiunt, referri istud vocabulum non solum ad Principes *Electores* in genere, sed & in specie, qua *universos*, conjunctim sumtos, *Collegium* constituentes. Hinc nullam suffragiorum *partem* ab Imperatore intelligi *majorem*, nisi quæ intuitu totius Collegii electoralis talis, hoc est *absoluta* sit. Verum, quo jure hæc omnia adferantur, vel exinde satis superque adparet, quod neque VERBA neque ANALOGIA *Auræ Bullæ* huic *respectivæ* suffragiorum electivorum pluralitati adver-

adversentur. Non illa, VERBA: quia nempe hæc ipsa, prout jacent, sine ulteriori explicatione ipsis quoque majoribus *respectivis* æque commode ac quidem *absolutis* applicari possunt. c) Sic *quatuor* illa, in præcedentibus propositi exempli, *suffragia*, quæ *primum* designarunt, etli *respectiva* saltem sint, tamen MAIOREM IPSORVM sive *Electorum*, sive *suffragiorum* electivorum PARTEM constituunt, eam puta, quæ *primo* favet, cum reliquis, *secundo*, *tertio* & *quarto* longe pauciora, *tria* scilicet, & horum utrique *unicum* saltem competant. Non hæc, ANALOGIA: quia Imperator non addidit, quo intuitu, an *Collegii*, an *Candidatorum* ratione MAIOREM velit atque desideret PARTEM. Imo quodsi loco IPSORVM in genere, adjecisset Imperator in specie COLLEGII, nondum tamen diserte exclusa fuissent *respectiva*. Quemadmodum hæc ipsa ideo jure civili Romano non arbitramur exclusa, d) quod ICTVS SCAEVOLA e) *majoris partis* CVRIAE mentionem fecerit, sanxeritque id, quod illa egerit, valere, cum præsertim illis, *respectiva* intellige, admodum favere videatur elegans *argumentum*, quod non incelebris ille ICTVS RVFINVS f) suppeditavit declarando, illum *parte majori anni possedisse* juris intellectu, qui *duobus* etiam tantummodo *mensibus* possederit, modo adversarius ejus aut *paucioribus*, aut *nullis* possederit diebus. Quo casu rectissime *pars anni major* etiam *respectiva* sufficit, cum hæc ipsa *majoritas*, ut ita loquamur, sive *anni*, sive *suffragiorum*, considerari nequeat *absolute*, sed ad illos potius, quibuscum res est, *adversarios*, qui *minori* anni parte possederunt, & *competitores*, qui *minori* adhucdum parte suffragiorum gaudent, quam ad *dimidiam* totius *anni* vel *Collegii* seu suffragiorum *partem*, qua cum neque *possessioni* neque *pluralitati* ulla connexio, referenda sit. Quem ad modum etiam *respectiva* jure canonico, non ideo, quod istud *majora Collegii*, g) requirat, sed ideo reprobata dicuntur, quod ut suo deinceps ostendendum erit loco h) ampliores suppeditet *descriptiones*. Vnde certo certius jam constare censemus, adductos supra, atque de pluralitate præcipientes *Aureæ Bullæ* textus *primo* majoribus *respectivis* non adversari diserte, *secundo*, ipso quoque ARVMAEO i) patente, tantundem pro *illis*, quam pro *ipsis* quidem inde concludi posse *absolutis*, & *tertio* denique hanc ipsam textuum illorum concessam a dissentientibus *generalitatem*, adductas jamjam pro *respectivis* ex eorundem natura præsumptiones, egregie prorsus firmare, atque in specie etiam quoad electionem Imperatoris ulterius adhuc corroborare posse.

a) Digna omnino peculiari tractatione foret ANALOGIA JURIS PUBLICI. Conferri interim potest elegans KVLPIUS de *analogia juris*, Argentorati habita Oratio *Inauguralis*.

b) Inprimis vero BUXDORFIVS ad *Aur. Bull. cap. 2. concl. 35. pag. 115. lit. c*) RV-

D 2

MELINVS

MELINVS *ibid.* in *Diff.* 1. *th.* 9. *pag.* 65. nec non ipse ILL. ICKSTATT in *laud. Diff.* *cap.* 2. §. 20. *pag.* 79. ubi etiam innotat c) similes prorsus *Recessum Imp.* formulas adduxit, v. gr. der mehrere Theil der Stände, aus ihnen ic. quæ iidem *respectivis* nulla ratione obstitunt.

c) Sic ipse Dom. ARUMAEVS, iudiciosus ille ICRVS in *Diff.* 2. *ad Aur. Bull.* *tb.* 16. *p.* 102. pro SEMPRONIO ex sua *hypothesi* TRIBVS saltem e SEPTEM suffragiis electo ita argumentatur; *Pro quo pars major numero est, is electus censetur. A. F.*

d) Frustra contradicente, omnesque electiones in genere *absolutis* adstringente MEVIO ad Jus Lubec. *Libro* 1. *tit.* 1. *art.* 2. *num.* 35.

e) In *Lege* 19. D. *ad Municipalem*, puta, Legem.

f) In *Lege* 56. D. d. *Verb. signif.*

g) Velut in *cap.* 1. X. *de his, quæ sunt a maiori parte capituli*, ubi *majoris & sanioris partis capituli* generalis mentio occurrit.

h) Vid. *infra* §. XIV.

i) Ita enim ILLE *laud. loco.* *Et quidem, si ad verba textus nostri attenderimus, utrique opinioni fulcimentum ex iis adstrui potest.*

## §. X.

### VLTERIOR AVREAE BVLLAE EXPOSITIO.

Qui circa hanc suffragiorum *respectivam* in electione Imperatoris pluralitatem secus sentiunt, explosa licet, quam sibi favere existimarunt, *Aureæ Bullæ* ANALOGIA, imo hac non *explosa* solum, sed & adversus ipsos *directa*, nondum tamen adquiescunt, sed denuo potius ad AVREAM BVLLAM provocant, putantque dilucidasse CAROLVM IV. *generalem* suam de pluralitate suffragiorum sententiam, eandemque in sequenti hoc commate ad *absolutam* restrinxisse. Inquit enim Imperator sub finem a) *capitis* CHRYSO-BVLLAE *suæ* *secundi*: *In casu denique, quo tres Principes Electores presentes, seu absencium nuncii, quartum ex se, seu ipsorum consortio, videlicet Principem Electorem presentem vel absentem in Regem Romanorum elegerint, (aliis eligent) vocem illius electi, si presens adfuerit, aut nunciorum ipsius, si eum abesse contingeret, (aliis contigerit) plenum vigorem habere, & eligentium augere numerum, partemque maiorem decernimus constituere, ad instar ceterorum Principum Electorum.* Quæ Imperator hoc loco de suffragio electorali *sibi metipso* dato, ejusdemque validitate edixit, ea huc proprie nondum spectant, sed infra demum recurrent. Generale enim istud, quod nonnulli b) in adductis modo verbis, pro *absoluta* suffragiorum electivorum, contra *respectivam*, pluralitate latere credunt, argumentum, huc potissimum redit. Collegium *electorale* CAROLI IV. & AVREAE BVLLAE ævo fuit *septemvirale*, quod nempe haud ita pridem, post *interregnum* istud, atque inde ab electione RVDOLPHI I. *Habsb.* factum fuerat. Quo posito Imperator & Lex ad id, ut suffragium

gium Electoris alicujus *proprium* plenum habere queat vigorem, requirere videtur, ut huncce, qui propriæ suæ dignitatis suffragator extitit, tres alii Principum *Electorum* suis suffragiis jam prius elegerint, isque hac ratione *quarto* suo suffragio *majora* constituere queat. Non *respectiva* modo sed & *absoluta* certe. *Quatuor* enim inter *septem* omnem reliquam *Collegii* partem superant. Fatemur argumenti speciem. Neque amplius miramur, tot primæ magnitudinis Ictos, specie ista seductos fuisse ad reprobanda penitus in *electione* Imperatoris suffragia *majora respectiva*. Verum enim vero, salva nihilominus res est. *Genuina*, quam commodè admittit, hujus dispositionis CAROLINÆ *interpretatio* abunde docebit, *posterius* illud non tam inde *sequi*, quam potius eidem *ingeri*. Varias hæc ipsa *verba* jamjam perpeffa sunt contorfiones. Vnde æquum, ut pristinæ suæ & *naturali* quidem restituantur perspicuitati & *evidentiæ*. Hoc vero melius fieri non poterit, quam veram illam CAROLI, quam hac *periodo* exprimere voluit mentem atque intentionem sollicite investigando. Sanxerat is jam in *quarto*, *quinto* & *sexto* præsertim *capitis secundi connate* omni cura jus *majori* parti in *electione* Imperatoris jam antea lege non scripta competens. Ad alia dehinc in *septimo*, *octavo* & *nono* §§. progressum fecit, cum pluralitate non amplius connexa, velut Electores *tardius* venientes & *confirmationem* privilegiorum. c) Nunc vero hoc ipso *commate*, quod in adcuratius distinctis & novioribus *Aureæ Bullæ* editionibus, in capitulo secundo *decimum* est, ad eandem *pluralitatem* revertitur. Certe non animo, illam *demonstrandi*. Quæ repetitio, cum omnino superflua fuisset, minime præsumenda. Longe alia fuit *Imperatoris* mens & intentio. Quam etiam diserte satis explicavit tribuendo suffragiis Electorum *sibi metipfi* datis plenum vigorem. Quod ut omni possibili exprimeret claritate, sequentem proposuit CASVM. In CASV enim inquit IDEM in *principio* legis explicandæ. *Posuit* nempe finxitque omnes Principes *Electores*, numero *septem*, in *electione* aliqua, sive *ipsos*, sive per *nuncios* suos præsentem esse. Horum sive Electorum, sive *Nunciorum tres*, secundum Legislatoris hypothesin, velut *duo* illi ecclesiastici, *Trevirensis* & *Coloniensis*, primusque sæcularium Rex *Bohemiæ*, *QUARTVM* ex se seu ipsorum consortio, videlicet Principem quandam Electorem sive præsentem sive absentem, Comitem ordinis gratia tantisper intelligemus *Palatinum*, elegerunt. Hic ecclesiasticis Bohemoque pariter adtipulatur, *sequè ipsum* laudat. Reliquorum trium, *Saxonis*, *Brandenburgici* atque *Mogunini* d) suffragia *alii* cuidam, non Electori, sive etiam *duobus*, hoc enim lege non expressum, ceciderunt. Hæc est nostro iudicio, vera atque genuina *facti* illius, quod Imperator hic proposuit partim, partim vero in mente habuit, *species*, sive *casus*. Cujus decisio huic *secundo* inferenda adhuc videbatur *capiti*. Sanxit itaque, tam in genere suffragium illud *electicum*, quo

quo se ipsum quis laudavit, quam in specie *quartum* istud, *plenum vigorem* habere, eligentium augere numerum, *partemque majorem* constituere ad instar ceterorum Principum Electorum. Hinc vero *duo* potissimum perperam concludi, passim videas. *Primum* hujus loci non est, nisi quoad *analogiam*. Quod nempe *proprium* aliquod ejusmodi suffragium tum demum plenum habeat vigorem, cum istud *tria* jam aliorum *vota* præcesserint. e) *Posterior* id ipsum est, de quo dispiciemus. Non pauciora, quam *quatuor*, inter *septem*, & secundum proportionem hodie inter *novem*, *quinque* suffragia, in electione Imperatoris *majora* constituere sufficientia, ex hoc ipso *textu* concludunt dissentientes. Quod vero utrumque foret justo nimis *sensum* verborum CAROLI coarctare. Quodnam enim hujus, adeo *restrictivæ*, f) *interpretationis* foret fundamentum? Nonne etiam tunc forent *majora*, cum *primus* *quatuor*, *secundus* *tribus* & *tertius* *duobus* gaudeat suffragiis? Hæc *quatuor* omnino non sufficerent, si non plures quam *duo* adforent candidati. Sed quum horum *tres* vel *plures* ponimus, illa *quatuor* omnino non possunt non sufficere. Hunc casum diserte & expressis verbis, quod fatemur, non attingit Imperator. Ratio autem, sensus & proin interpretatio quoque volunt, ut hic etiam ex eadem *analogia* decidendus, *verbis* illis comprehensus censeatur. Neque reclamant *verba*. Sensus est generalis: Electores *sibi ipsis* suffragari posse. g) Id quod in pluralitate *respectiva* æque ac *absoluta* fieri poterit. *Verba* autem sua ad hunc *specialem*, quem exposuimus, *casum*, inflectit Imperator ideo, quia ille maximas habiturus videbatur difficultates. Si nempe Electorum aliquis suo *proprio* suffragio *paria* reliquorum Electorum *vota*, *imparia* reddere, *majoraque* constituere & hac ratione in suum decidere velit favorem. Putavit Imperator, si huncce diserte decideret, de reliquis, in quibus perinde est, sive *proprium* alicujus suffragium *connumeretur*, sive *non*, si verbi causa reliqui *tres* posteriores non in eundem conspirent, sed *diversos* foveant *candidatos*, neminem dubitaturum fore. Neque his reapse tanta inest difficultas. Pone, *tres* priores in electione Imperatoris suffragantes *Palatino*, posteriores, autem *tres* (in collegio *septemvirali*) *duobus* aliis favere. Quo casu *Palatinus* etiam citra suum suffragium *proprium* habebit *majora*. Ut perinde sit, sive istud *computari* queat, necne. Quodsi id forte neges, credasque, CAROLVM ideo *propriis* suffragiis plenum tribuisse vigorem, ut non alia, quam *absoluta* oriantur *majora*, regerimus *primo*, te id jam supponere, quod in quæstione est, *deinde* quærimus, ubinam hanc mentem vel e longinquo saltem ostenderit CAROLVS, aliumque & hunc quidem *denique* proponimus casum, quo e *septem* electoribus, Dvo *Bohemia* Regi, Dvo *buic*, Dvo *alii* rursus suffragantur. Qua ratione *Boheimus* suo suffragio *majora* quidem, sed *respectiva* saltem facere potest. Adversantur enim ei nihilo.

hilominus adhuc plus quam *dimidia collegii pars*, puta *quatuor*. Et tamen eadem, pro *Bobeno* decidendi adest ratio, quæ in superiori casu. Studium nempe CAROLI IV. nunquam satis laudandum, omnia ista suis legibus avertendi *incommoda*, quæ alias ex hac ipsa in utroque casu occurrente *paritate* suffragiorum certo metuenda fuerant, huc quoque applicandum est. Neque enim is *exceptionem* proposuisse dicendus. Adduxit potius unicum CASUM, *exemplum* quoddam, cujus decisio mentem suam, ob ipsam rationem *generalem*, itidem non specialem, satis superque proderet. Locutus est Imperator, ut *veterum* more loquamur, non *restrictive*, sed *exemplificative*. Unde qui hoc unicum *exemplum*, hunc unicum *casum* excepisse illum, eoque ipso regulam in contrarium, neminem *seipsum* eligere posse, firmasse arbitrantur, qui non alia *majora*, quam hæc ipsa *quatuor* vel *quinque* dari sibi persuadent, illi revera *Auream Bullam* ex jure *credi & canonico*, quibus illa tantummodo nititur regula h) eodem, quo olim jura *Germaniæ* particularia interpretari solebant, modo, propriaque sua *hypothesi*, quam nos demum examinamus, restringunt atque limitant. Id quod *paradoxon* satis videtur. Est nempe, ut hoc unicum addamus, natura *legis nostræ* eidem cum tot aliis, utriusque etiam istius *peregrini juris* legibus communis, qua in omnibus illis, quæ *speciale* aliquod *exemplum*, *specialem* quendam *casum* a Jureconsulto, Imperatore, vel Pontifice decium continent, ex ipsa *universali* legum efficacia, a *particulari* ad *universalem*, ab *exemplo* ad *regulam*, facile inde eliciendam abstrahendamque omnino valet consequentia. Non igitur, ut opinamur, *AVREA BVLLA respectivis* suffragiis *majoribus* adversa videbitur.

a) Vide *Auream Bullam* cap. 2. §. 10. sive ult. hicque Commentatores.

b) Velut VITRIARIUS in *Inst. suis juris publ. Libro 1. tit. 6. §. 15.* & inprimis etiam LVDEWIGIUS ad *Aur. Bull. cap. 2. §. 6. nota p)* lit. c) Tomo 1. pag. 374. sq.

c) Observante inprimis LIMNAEO ad *Aur. Bull. cap. 2. §. 7. obs. 1 pag. 307.* quem ideo etiam contra frustaneam LYNCKERI *ibid. pag. 31.* contradictionem haud spernenda defendit conjectura *Ill. Dnus de LVDEWIG ad cap. 2. §. 10. not. l.)* Tomo 1. pag. 407.

d) Hic enim ceu *Decanus & Director* collegii electoralis ipsa *Aurea Bulla* dispositione suffragium suum non *primo* statim, sed *postremo* demum loco, rogatus ideo a *Saxone* dicere solet. vid. *cap. 4. §. 4.* Id quod an semper tam *ante*, quam *post AVREAM BVLLAM* usû venerit, disquiri pluribus PEEFFINGER ad VITR. Tomo I. p. 126. not. r) & s)

e) Prout id præter BYXDORFIUM, LENTULUM, atque CLVTENIUM inprimis adfirmarunt & Dom. ARUMÆVS ad *Aur. Bull. Disc. 2. tb. 23. pag. 117.* & DIETRICVS *ibidem* cap. 2. §. ult. solide ideo tum a LIMNAEO cap. 2. §. 7. obs. 4. pag. 307. tum a LVDEWIGIO cap. 2. §. 10. not. m) Tomo I. pag. 407. refutati.

f) Con-



f) Conferri huc meretur Cel. quondam *Lips & Francof.* JCTI HOFFMANNI *Diff. de ratione interpretandi Leges Imp. publicas*, cap. 3. §. 8.

g) Vide ali loco LIMNAEVM *obs.* 4. ad §. 7. tit. 2. *Aur. Bull.* pag. 307.

h) Sic quoad jus *civile ROMANUM* hic alias opponunt veteres argumentum *Legis JULIAE de ambitu*, *ULIANI* in *L. 1. D. de auct. tut. L. 1. §. 13. D. ad Scrt. Treb. L. 4. D. de Tut. & Curat. d. tis*, nec non constitutionis illius generalis *Impp. VALENTIS, GRATIANI & VALENTINIANI AAA.* in *L. un. Cod. ne quis in sua causa judicet, vel jus sibi dicat*, quoad jus *CANONICO-PONTIFICIVM* vero cap. *fin. X. de Institus cap. 3. X. de excessibus Pralat. cap. 17. 50. X. de elect. & in primis cap. 26. X. de jure Patron.* Vid. *Diff. LYNCKERI de presentatione sui ipsius Jene 1689.* habita. De cætero autem quemadmodum hac causa in genere & abstrahendo ab hisce juri-  
bus *positivis* contrariis considerata, suffragium *subimetipso* datum nihil vel *illiciti*, vel *inob-*  
*nesti*, vel *iniqui* vel *indecori* alit, ita etiam in utroque hoc jure distincta quoque illius  
*permissionis* occurrunt vestigia. Vide v. gr. quoad prius *ICTVM PAULVM* in *L. 4. D. quodcu-*  
*jusque univ. & in L. 19. D. de Tut. & curat. datis*, quoad posterius autem cap. 21. 32.  
& in primis 33. *X. de electione*, hincque tam, quam ad cap. 50. *Em. GONZALEZ TEL-*  
*LEZ commentarios.*

## §. XI. OBSERVANTIA.

Alii *VITRIARI* a) exemplo eo procedunt fiducia, ut *SECUNDO* sententiam suam, electionem Imperatoris non nisi *pluralitate* suffragiorum *absoluta*, minime vero *respectiva* fieri posse, constanti omnium *temporum* atque *electionum* praxi & *OBSERVANTIA* confirmari perhibeant, hancque observantiam non nisi unico *WIPPONIS* ab *OBRECHTO* b) hoc nomine adducto loco probent, quo is *CONRADI II. Salici electionem* describens, cum *diu*, scribit, certaretur quis *regnare deberet, cumque alium ætas, vel nimis immaturus, vel ultra modum proventus; alium virtus inexplorata; quosdam insolentiae causa manifesta recusaret: inter multos electi pauci sunt, & de paucis admodum, duo sequestrati, in quibus examen extremum summorum virorum, summa diligentia diu deliberatum, in unitatis puncto tandem quievit.* c) Nam cum Imperator *HENRICVS II.* inquit paullo ante Idem *WIPPO, sine filius obiisset, quilibet potentissimus secularium Principum, vi magis, quam ingenio nitebatur, aut fieri primus, aut quacunque pactione a primo secundus, ex qua re discordia pene totum Regnum invasis, adeo ut in plerisque locis, cædes, incendia, rapinae fierent, si non is impetus illustrium virorum sufflamine impeditur.* Et paulo postea, *privata consilia*, pergit Idem, & *annos singulorum, cui quisque consentiret, qui dissentiret, aut quem sibi Dominum optaret, episcolarum & Legatorum commoditas conferebat, neque id in vacuum.* Videri inde posset, olim, si plures Regnum ambierint, dignissimos ex istis *selectos*, atque ex his *duobus* unum *electum*, hocque



hocque ideo, ne *suffragia*, ut OBRECHTVS putavit, inter *plures* candidatos nimis *dividerentur*, posteaque non nisi *majora* orirentur *respectiva*, factum fuisse. Verum enim vero quis *primo* ex hoc unico WIPPONIS loco, de unica CONRADI II. *electione* agente, *universalem* quandam, omnibusque & *antecedentibus* illam & *subsequentibus* usitatam vel *legem* vel *observantiam* elicere poterit? *Secundo*, quis non videat? WIPPONEM hoc loco nihil aliud innuere, quam *Regnum*, morte Imperatoris *vacans*, initio statim *multos* quidem *ambuisse*, verum non omnes illos, ex causis ab Ipso allegatis, reliquis Principibus & Nobilibus *eligentibus* dignos viros fuisse, quibus sua manciparent *suffragia*. Ad *majora* autem *respectiva* non id solum requiritur, ut *plures* adsint *candidati*, sed id præcisè quoque necessarium est, ut *plures* candidatorum in ipsa *electione* *suffragia* quædam nanciscantur, quod tamen hoc ævo non nisi duobus istis CHYRONIBVS contigit, cum, quod WIPPO de *selectu* inter candidatos habito refert, secundum ipsius narrationem, ipsum *electionis* actum longe præcesserit. *Tertio* quoque huic WIPPONIS loco obstat *temporis*, in quo scriptus, *ratio*. Tum enim nullam adhuc, neque *absolutam* neque *respectivam* *suffragiorum pluralitatem* in *electione* Imperatoris obtinuisse, ipse recensione *pacti* istius *singularis* a CONRADIS initi, ut si quem illorum duorum *major pars* laudaret, *eidem* alter *sine mora* *cederet*, satis superque demonstravit. *Quarto* alia *electionum*, præsertim vero, ut hic quoque *unicum* saltem producamus, LOTHARII II. *Saxonis*, d) exempla nos docent, sapius non *duos* saltem, sed *TRES* etiam ad Imperium atque ad *electionem* ipsam e candidatorum *multitudine designatos* fuisse, ut proin omnino adhuc *majora* oriri potuerint *respectiva*, licitumque fuerit, *suffragia* in *electione* inter *plures* quoque quam *duos* saltem dividere. *Quinto* si vel maxime dissentientibus concedamus, quod negare neque velimus neque audeamus, omnes Imperatorum *electiones*, *pluralitate* *suffragiorum* factas, *absolutis* non *respectivis* perfectas fuisse *suffragiis majoribus*, nulla tamen exinde contra *suffragia respectiva* prius exculpi poterit *imperialis observantia*, suis undique numeris absoluta, quam exemplum producat, *electionis* alicujus ideo saltem improbatæ atque repetitæ, quod *suffragia majora* quidem, aut non nisi *respectiva* adfuerint. Quamvis enim *maximas* omnino *observantia* imperialis, ipsis quoque *scriptis legibus*, iisdemque maxime *fundamentalibus* subinde *æquales*, in jure nostro publico non ignoremus vires, hoc tamen etiam scimus, illos *observantia* nomine abuti, qui, quod illa diserte *stabilitum* non reperiunt, eidem *contrarium* perhibent. Nitiur illa *consensu* eorum, penes quos est potestas *legislatoria*, non saltem *præsumto*, sed vero etiam, licet *tacito* saltem, non *expresso*. Qui vero *iste* vel *præsumi*, vel *hic* ex factis colligi possit, ubi casus, ut loquuntur, in terminis nondum extitit, nulla *contradictio*, eandemque *insecuta patientia* adfuit, nescimus.

a) Qui in *Instit. suarum juris publ. Libro I. tit. 6. §. 15. praxis*, ait, & *observantia omnium temporum hanc sententiam suadent*, & illas tamen ne verbulo quidem ulterius allegato *probat*.

b) In *Diss. de electione Imperatoris §. 17. in opus. Argent. pag. 267*.

c) In *vita CONRADI II. ab eodem hoc ejus Cancellario WIPPONE egregie satis descripta*. apud PISTORIUM in *Tomo III. pag. edit. STRUV. 462. 463*.

d) Audias velim *incertum*, sed *aqualem* tamen AVTOREM *Narrationis de electione* LOTHARII II. Saxonis, quæ tam apud PEZIVM in *Script. Austr. Tomo I. num. 30. quam ECCARDVM in Quaternione vet. monum. num. 2. nec non REVVERVM in Tomo suo script. Germ. edit. IOANNIS fol. 464. sq. extat*. *Convenientes*, inquit, *omnes Regni Principes* --- primo DECEM ex singulis *Bavaria, Swetvia, Franconia, Saxonia provinciarum Principes*, *consilio utiliores proposuerunt*, quorum electioni *ceteri omnes adfensum præbere promiserunt*. Hi itaque TRES ex omnibus, tam divitiis, quam *virtute animi, præstantiores*, scilicet DUCEM FRIDERICVM, Marchionem LIVPOLDVM, DUCEM LOTHARIUM in concione designantes, unum ex tribus, qui *placeret omnibus*, in Regem eligi *persuaserunt*.

## §. XII.

### ELECTIO PONTIFICIS.

TERTIO nonnulli, interque hos præcipue etiam *Illustris LVDEWIGVS a) respectivæ* huic suffragiorum pluralitati quoad electionem Imperatoris, ipsius PONTIFICVM ROMANORVM electionis exemplum objiciunt, hoc potissimum negantes argumentum. Conveniunt in multis electiones IMPERATORIS & PONTIFICIS. *Hæc* vero non nisi numero suffragiorum totius præsentium Cardinalium collegii intuitu *majori* absolvitur. Inde in illa quoque, *respectivam* saltem suffragiorum pluralitatem non sufficere concludunt. Fatemur, argumentum hoc sua non destitui specie, minimum præmissarum utramque aliquid ex vero habere. Novimus quippe Pontificem Romanum hodiernum non nisi duobus suffragiorum partibus eligi. b) Sic si LX. conclavi inclusos *ingas Cardinales*, nemo Papa sine XL. vel XLI. suffragiis eligeretur. ALEXANDER III. is fuit, qui id *primus* in Concilio Lateranensi tertio sequentibus verbis constituit. c) Statuimus ergo, inquit ille, *ut si forte inter Cardinales de substituendo summo Pontifice non poterit esse plena concordia*, & duabus partibus concordantibus, *pars tertia concordare noluerit*, aut sibi alium præsumserit nominare, *ille absque ulla exceptione ab universali ecclesia Romanus Pontifex babeatur*, qui a duabus partibus electus fuerit & receptus. Rejcta deinceps & excommunicationi subjecta tertiæ partis nominatione ita pergit: *præterea si a paucioribus, quam a duabus partibus quis electus fuerit, ad Apostolatus officium, nisi major concordia intercesserit, nullatenus adsumatur*, & prædictæ pænæ subiaceat, si *buuuliter noluerit abstinere*.

Hæc

Hæc ALEXANDER III. Idem repetiit GREGORIUS XV. d) qui statuit, *electionem Romani Pontificis fieri aliter non posse, quam per secreta schedularum suffragia, duarum ex tribus partibus Cardinalium in conclavi presentium, nisi us unanimitate, vel per compromissum, vel per inspirationem eligatur.* Quem secutus est VRBANVS VIII. e) eisdem fere verbis. f) Accedit, egregiam hujus dispositionis ab ipso ALEXANDRO allegatam rationem in eo consistere, quia in Romana ecclesia non poterit ad superiorem recursus haberi, quemadmodum in aliis ecclesiis, in quibus majoris & sanioris partis indistincte adhucdum prævalet sententia, quia quod in eis dubium venerit, superioris iudicio poterit definiri, g) atque adeo generalem, imo in electione Imperatoris, cui multa adhuc circa electionem Pontificis competunt jura, h) non autem, *vice versa*, i) veriorum esse. In hoc vis & cardo argumenti consistunt. Quid responderi queat, paucis nunc adducendum. Primo, neganda est majoris propositionis connexio, quæ ab electione Pontificis ad electionem Imperatoris, quemadmodum etiam *vice versa*, in dubio haud procedit. Electio Pontificis, seu capitis christiani orbis ecclesiastici, majoris longe, olim, minimum ab ejusdem adscelsis, momenti habita fuit, quam Imperatoris, seu capitis saltem christiani orbis temporalis sive secularis. Hinc etiam hoc ipsum circa numerum suffragiorum in Romana Ecclesia tanquam speciale aliquid, utimur ipsius ALEXANDRI III. verbis, *constitutum fuit, neque ideo reliqui ecclesiis & canonicis de electione constitutionibus præjudicium generavit.* Cessante præsertim quoque naturali, quæ hic subest, ratione, magno puta Cardinalium numero, numerum Electorum longe superante. Hinc in electione Imperatoris nihil solemus audire de *possessione* & *accessu*, eorumque formulis & solemnibus, Pontificis electioni propriis. Multa sunt, quod non negamus, in quibus hæ electiones, Imperatoris nim. & Pontificis, inter se conveniunt. Illa vero, in quibus e contrario maximopere a se invicem discrepant, non pauciora esse, diligens scrutator facile reperiet. Secundo probat hoc argumentum vel ideo quoque nihil, quia nimis. Sufficiunt in electione Pontificis *majora* neque *respectiva*, neque *absoluta*, k) sed requiruntur præcise DVÆ suffragiorum TERTIÆ. Ergone idem etiam in electione IMPERATORIS obtinet? Quis hoc vel *fando* saltem unquam audivit? Hac ratione hodie nemo Imperator, nisi *sex* vel *septem* suffragiis eligeretur, cum tamen dissentientibus omnibus, *quinque*, quæ *absoluta* dicunt, sufficiant. Qua ratione vero, vel quo fundamento argumentum hoc ab electione Pontificis peritum, *dividi*, & eatenus saltem, quatenus in istis DVABVS TERTIIS *majora* latent *absoluta*, ad electionem Imperatoris applicari queat, nos non perspicere, fatemur lubentes. Aut enim valet *consequentia*, quam negavimus, ab electione Pontificis ad IMPERATORIS electionem, aut non valet. Si *posterius*

rius, habemus, quod volumus. Si vero prius, illa etiam quoad duas tertias suffragiorum, & alias adhuc, maximas sane diversitates, valere deberet, quod tamen a posteriori falsum. Invertimus potius omne hoc, quantumcunque est, argumentum. Quia numerus suffragiorum, qui major haberi debeat, in electione Pontificis tanta cura determinatus fuit, is ipse vel ideo in electione Imperatoris minus necessarius erit, quia eadem facilitate exprimi potuisset, neque tamen ullibi expressius legitur.

a) In der Erläuterung der goldenen Bull, tit. 2. §. 6. not. p) Tomo I. pag. 373. lit. a)

b) Quemadmodum etiam de electione monialium atque Abbatissarum disposuit BONIFACIUS VIII. in cap. 43. §. sane 2. X. de Elect. in 6. Quid novissime sanxerit Concilium TRIDENTINUM, in Sess. ejus 25. tit. de regularibus & monialibus, §. 6. reperies.

c) Anno 1778. can. 1. vid. caput licet. 6. X. de elect. cap. 3. ibid. in 6. & elem. 2. ibid. Conf. Lud. THOMASSINI sr. de veteri & nova ecclesie disciplina Tomo II. Libro 2. cap. 113. §. 6. & Ant. PAGI in Critica ad BARONIUM Tomo IV. pag. 677. §. 13.

d) In Bulla, quæ incipit *Eterni Patris Filius*, anno 1621. edita apud LAERT. CHERVINY in Magno Bullario Romano Tomo III. pag. 444. & apud Job. Gerb. MEVSCHENIUM, Theologum Coburgensem, in Ceremoniali suo electionis Pontificis sive collectione Bullarum & constitut. de hac electione anno 1732. edita pag. 54. §. 2. Matura itaque, adde §. Quodsi electio ibid. pag. 61. atque Ceremoniale electionis P. R. ejusdem Papæ ibid. §. quoniam autem pag. 74. & 93. §. quintus altus.

e) In Bulla sua sive constitutione, *Ad Romani*, Gregorianæ confirmatoria, edita 5. Cal. Febr. 1625. ibid. pag. 99. Adde vetus illud Ceremoniale Ecclesie Romanae anno 1582. 4. Venetiis editum Libro 1. cap. 3. & 5. pag. ibid. 141. 149. & 155.

f) Cæterum, quid Pontifices GREGORIUS XV. atque VRBANUS VIII. sequenti constitutione sibi voluerint, nos nescire fatemur. Ita vero ille in Bulla, *Eterni patris*, de anno 1621. §. 5. Ac si contingat plures in schedulis nominatos, duas tertias partes suffragiorum tulisse, in suffragiorum paritate neuter sit electus, in imparitate vero, qui numero suffragiorum superior erit, dummodo duas tertias partes, etiam in uno suffragio excedat, electus censetur. Idem ille repetiit in Ceremoniali suo electionis Pontificis ejusdem anni §. quintus altus, in fine, hoc modo, si denique scrutatores invenerint, plures candidatorum duas tertias partes suffragiorum obtinuisse, vel etiam ultra duas tertias, tunc in paritate nullus erit electus, in imparitate vero ille est canonicus Papa, qui superat alium etiam uno suffragio. Apud MEVSCHENIUM in Cerem. elect. pontif. pag. 55. & 93. nec non 99. & 128. ubi eisdem verbis concepta repetitio VRBANI VIII. continetur. Qua ratione autem plures DUÆ TERTIÆ dari? plures candidati duas tertias, vel etiam ultra eas, obtinere queant? paritas suffragiorum, si unus jam habeat duas illorum tertias metui, denique imparitas



uno saltem *suffragio* decidenda oriri possit? totidem *problemata* sunt, a nemine facili negotio, nec aliter quam *Alexandrino gladio*, solvenda.

g) In laudato jam capite tituli *DECRETALIVM de electione & electi potestate* 6. in fine.

h) Jura IMPERATORIS atque Imperii circa electionem PONTIFICIS Romani data ideo opera enucleantur satis superque SCHARDIVS, MAJVS, MVHLIVS, OTTO, KEMMERICHIVS & novissime quoad *exclusivam Ill. Dn. Jo. Georg. ESTOR* in suis *Diffis & Progr.* Addas hisce, quoad illorum antiquissimas ORIGINES, necesse est Ill. Dni MASCOVII XVII. Anmerckung zu dem XI. Buch seiner Geschichten derer Deutschen.

i) Jura e contrario illa, quae PONTIFEX Romanus circa electionem IMPERATORIS olim & hodie praetendit, post celebres istos medii aevi scriptores a GOLDASTO in *Monarchia & Replica Imp.* nec non SCHARDIO de *Jurisdic. Imp.* collectis, cum cura illustrantur *Georg. Sigism. SELDIVS Vice-Cancell. Imp.* in consilio suo sive *Responso ad Imp. FERDINANDVM* de anno 1612. apud GOLDASTVM in *denen Politischen Reichs-Handeln parte 5. fol. 167.* WAGENSEILIVS & MAJERVS de *elect. Pontif. Rom.* IMM. WEBERVS & Jo. MEISNERVS, Theologus hic, iste Jureconsultus, in *disc. de iniquis Pontif. circa Imp. elect. moliminibus*, cui tit. fecit, *Papa quid facis, Giss. 1720.* & in der richtigen Beantwortung der Streitfrage: ob der Pabst zu Rom, bey der Erwählung eines Röm. Kayfers einiges Recht habe? *Rostockii anno 1740.* denbo edita. *Novissimos Pontificis Romani*, quum CAROLVS VI. eligeretur, ausus facile intelliges parles *Remarques sur le bres de sa sainteté a S. M. L'imperatrice Mere 1711.*

k) Fatente ipso quoque Dno ICKSTATT in *Diff. de majori suffragiorum numero cap. 1. §. 71.*

### §. XIII.

#### EPISCOPORVM ELECTIO CANONICA.

Quod fere ipsum illis etiam respondendum foret, qui *respectiva* huic suffragiorum in electione Imperatoris pluralitati QUARTO non tam PAPALIS quam potius EPISCOPALIS electionis exemplum opponunt, *majorem* inter Episcopi atque Imperatoris, quam Hujus & Pontificis electionem sibi deprehendere vili similitudinem. Et sane negari nequit, canonico, sive potius pontificio jure, DECRETALES putamus, in ELECTIONE EPISCOPORVM, sive potius omnium in genere Praelatorum, praesulumque ecclesiasticorum CANONICA, majora quidem, ast non nisi absoluta, respectivis tantum non discrete rejectis, sufficere. Utuntur Pontifices non hisce quidem terminis, sed utramque tamen pluralitatem luculenter sitis, & respectivam quidem hac ratione, quod comparatione partium minorum, competitorum, majorem quidem faciat partem, non tamen ad majorem totius capituli partem perveniat, absolutam vero, quod non solum comparatione minorum partium majora faciat, sed

etiam usque ad maiorem partem totius *capituli* perveniat, huiusque *dimidiam partem* superet, describunt. a) Qua ratione accipienda est *major pars electorum*, sive potius *capituli*, quam una cum *sanior* b) iam INNOCENTIVS III. in generali *Concilio Lateranensi* c) ad validitatem *electionis canonice* requisivit. Quod adeo *verum*, atque progressu temporis huc quoque *extensum* fuit, ut *primo* talis, *pluralitate* suffragiorum *respectiva* saltem, celebrata electio, ne quidem *ex postfacto*, licet plures alii eidem deinceps *consenserint*, convalescere possit d) & *secundo* in eandem ne quidem *committere* liceat. e) Habet hoc ab *electione canonica* ad *caesaream* ductum argumentum vel inde *maiorem*, quam illud *electione papali* nitens, *speciem*, quod in illa *præcise* quidem suffragia *majora absoluta*, non vero uti in hac, abscisse *duæ* suffragiorum *tertiæ* requirantur. f) Quod vero nihilominus *regeri* potest, huc potissimum redit. *Primo* omnibus cognitam arbitror vim atque virtutem probandi juris *canonici* in causis juris *publici*. g) Quamvis *hujus* major adhuc sit usus, quam *Romani*. Et licet *electio* in specie illarum materiarum h) augeat numerum, quibus haud parum hodiernum etiam in jure nostro *publico* prodesse solet jus *canonicum*, hoc tamen non de *electione Imperatoris*, sed de *electione Episcoporum* seu *Principum ecclesiasticorum* intelligendum est, atque adeo non ad jus *publicum GERMANIÆ generale*, sed *particulare* saltem Principum ecclesiasticorum pertinet. *Secundo* heic quoque neganda nobis est *electionum Imperatoris* atque *Episcopi* cujusdam connexio, consequentia ab *hac* ad *illam* regulariter & in dubio ducenda, jamjam ab ipso LYDEWIGIO negata. i) Habent quidem etiam *Episcoporum* electiones haud pauca *electioni caesareæ* similia. k) Habent vero *eandem* etiam multa, imo *electione Pontificis* adhuc plura, quæ ab instituto *electionis caesareæ* toto cœlo differunt. Quod, si digredi liceret, facile ostendi posset. *Tertio* denique & ultimo loco monendum, naturam *electionum canonicarum* ita esse comparatam, ut hæc, de observanda suffragiorum pluralitate non nisi *absoluta*, constitutio, illis omnino applicari potuerit. l) Duplex enim *hic* subest ratio, quarum neutra *electioni caesareæ* convenit. *Prima* est, in *electionibus canonicis* plures plerumque esse *electores*, quam *septem* vel *novem*. Vnde necessario, cum concurrentibus, multitudinem *candidatorum* & copia *electorum* suffragia nimis distrahi possent, *certus* suffragiorum *numerus* determinari debuit, nec vero *pluralitati* in genere relinqui potuit. *Secundo* si discordia in *eiusmodi electionibus canonicis* oriatur, adiunt, qui eandem sopiant, decident, secus ac in *electione m) Imperatoris*, quæ nullius mortalium facile subjacet arbitrio. Imo videntur nobis *Pontifices*, ideo quoque *majora respectiva* exclusisse, ut eo sæpius, omnibusque illis casibus, in quibus *duobus* plures adsint & suffragia reportaverint candidati, ad ipsos fuerit recurrendum.

currendum. Notissima enim sunt tam *Pontificis* quam præsertim etiam *Imperatoris*, specialis omnium ecclesiarum Germanicarum *Advocati*, circa electiones *jura*, vel *præsentia*, vel *fundata* n).

a) Vide *cap. 48. 55. X. de Elect.* quæ hæc quidem suppeditant *descriptio- nes*, ipsam vero *thesin* plene haud probant, licet alias *cardinales* in hoc a gumento reputentur textus. *Respectiva* enim *pluralitas* suffragiorum utrobique non sola, non unica, cur electiones istæ infirmatæ fuerint, *ratio* exitit.

b) Qua de suffragiorum *sanioritate*, notissimo isto *eridos* pomo, videri pos- sunt *cap. 21. 29. 30. 32. 35. 42. 55. 57. X. de Electione, Concil. Trident. Sess. 25. cap. 6.* CIRONIUS & GONZALEZ ad hunc *tit. ille*, *pag. 23.* hic ad *cap. 57. Tomo I. fol. 364.*

c) Conf. *caput 42. 55. X. de Electione.*

d) Vide *cap. 29. X. ibid.*

e) *Cap. 23. X. ibid. in 6.*

f) Habent tamen etiam *Episcoporum* electiones, *duabus* suffragiorum *tertiis* factæ sua commoda & prærogativas, de quibus vide *cap. 22. X. & capus 9. de Elect. in 6.*

g) Quam pluribus diduxerunt, atque prout par erat, *restrinxerunt* tum *Ill. BOEHMERUS* in *Diff. de praxi Juris Can. in terris Prot. passim*, e *gr. cap. 1. §. 27. pag. 39.* & in *pec. Progr. de praxi juris canon. in causis juris publici*, tum *Frid. Greg. LAVTENSACK* in *Diff. de inepta ratione decidendi controversias juris publ. ex jure Rom. & Can. Erford. 1710. hab. §. 53.*

h) Teste tam *Eodem LAVTENSACK* in *all. §. 53.* quam *Ill. MASCOVIO* in *Princip. Juris publ. Libro I. cap. 8. §. 7.*

i) Ad *Auream Bull. Tit. 2. §. 6. notap) lit. a) & c) Tomo I. pag. 380.*

k) Conf. omnino *Cel. BOEHMERI Prof. Gotting. Progr. de reliquiis juris cano- nici in electione Imp. 1741.*

l) Docente *Ill. Dno ICKSTATT* in *Diff. sæpius jam laud. cap. 1. §. 71.*

m) Argumento *cap. 6. in fine X. de Electione.*

n) Conf. omnino *Herm. CONRINGII Exerc. juris publ. de Constit. Episc. Germ. & Jo. Sigism. SCHELLERI* de *jure & reservato Imperatoris mittendi commissarios ad Elect. Eccles. Altorf. 1738.* Ita enim *CALIXTUS II.* in suis, *concordati* cum *HENRICO V.* tabulis, ut si qua inter partes *discordia* emerferit, *metropolitani & provincialium consilio vel judicio saniori parti assensum & auxilium præbeas.* Apud *VASPERGEN- SEM Abbatem* ad annum 1122. Quæ verba *Imperatorem* ne quidem ad *majora res- pectiva*, multo minus *absoluta* adstringere videntur, cum non nisi *sanioris*, qualis tamen *major* præsumitur, mentionem faciant, *partis.*

#### §. XIV.

#### CONIVNCTIO SVFFRAGIORVM.

Sunt qui inter alia, & *QVINTI* quidem argumenti loco, *majora* suffra-  
gia

gia *respectiva* tam in genere, quam in specie ad electionem IMPERATORIS applicata sequenti ratiocinio in fugam conjici posse, putabunt. Constare scilicet inter omnes censebunt, quod tunc, cum suffragia *majora* concludere debent, non modo *plurimorum* in idem *consensus*, sed & *paucissimorum* in eodem *diffensus* spectari debeat. Hinc pro illorum pronuntiabunt *suffragiis*, quibus *pauciora*, quam reliquis, *contrariantur*. Numerabunt enim suffragia non modo, quæ *pro aliquo feruntur*, sed etiam, quæ *alicui adversantur*, atque hoc in casu, quo *novem*, quos hodie veneramus, Electorum, *quatuor PRIMVM, tres SECUNDVM & duo TERTIVM* eligunt, PRIMVM a *majoribus* suffragiis electum esse, ideo negabunt, quod ipsi non solum *majora RESPECTIVA*, sed etiam *ABSOLUTA* contrariantur, illa nempe *tria*, quæ *SECUNDVM*, & *duo* illa, quæ *TERTIVM* elegerunt. Hæc enim *tria* & *duo*, sive *quinque*, licet adhuc *diversa*, in eodem tamen genere *convenire*, ac eatenus *conjungenda* esse, atque PRIMVM *excludere* facile persuadebunt, fundatam censentes veterum sententiam, *suffragia*, etsi *diversa* in specie, in genere tamen *conformia* eatenus, quatenus conveniunt, *conjungenda*, illorumque *conjunctio*ne, a) *ABSOLUTA* *majora* adversus *respectiva*, elicienda esse. Quorum in *conflictu*, nullum omnino dubium, illa, *absoluta*, his, *respectivis*, palmam præripere. Imo hanc *conjunctionem* non licitam solum, sed & in casu *trium* pluriumve sententiarum *difforsum*, cum alias nullus plane, uti reliquorum negotiorum, ita & *electionis*, foret exitus, summe & absolute *necessariam* perhibebunt. Ut vero, ita etiam sentientibus, ordine respondeamus, primo statim loco notandum erit, sententias istas, quarum *quatuor PRIMVM, tres SECUNDVM, & duæ TERTIVM* ex hypothesi elegerunt, non solum *diversas*, sed plane *singulares* esse, proinde nec *conjungi*, nec *computari* posse. Quem ad modum enim ea quidem *connumerari* possunt suffragia, quæ *primum*, quæ *secundum*, quæ *tertium* eligunt, ita e contrario non *conjungi* possunt, quæ *secundum* eligunt, cum iis, quæ *tertium* exoptant. Hæc enim *intrinsece* b) ut reliqua omnia, *conjunctio*nis *suffragiorum* dubia atque incommoda, solide jam ab aliis notata, silentio prætereamus, differunt. c) *Secundo* nostram sententiam ulterius omnino confirmabit, quod *tria* ista & *duo* suffragia, quorum hæc *TERTIVM, illa SECUNDVM* elegerunt, PRIMVM tamdiu *excludere præsumenda* sint, quamdiu pro ipsorum candidatis, *secundo* atque *tertio*, ulla superest spes, hac vero, per *constantiam* reliquorum evanescente, si ulla *conjunctio* locum habere debeat, licet ipsi *electores* reapse cedere nolint, tamen ad ea potius referri debeant, quibus *plura* favent & *pauciora* adversantur, quam ad alia itidem *minora*. Verbo, *duo* illa *TERTII* suffragia potius cum *quatuor PRIMI*, quam *SECUNDI* *tribus* *conjungenda* forent, si modo *numerari* possent. *Ultimo* denique loco addendum, quod *admissa*, imo *posita* etiam *suffragiorum* illorum,



illorum, quæ dum *secundum* atque *tertium* eligunt, PRIMO a majoribus *respectivis*, quatuor scilicet, electo adversantur, *conjunctione*, hæc, *respectiva* nihilominus triumphare queant. Pone igitur ex ipsa dissentientium, supra jam relata mente, quod etiam nemo, qui *paria* suffragantium *jura* agnoscit, negare poterit, illorum sententiam atque electionem *potiorem* esse debere, cui *pauciora* adversantur suffragia. Quis enim est, qui nesciat, si *tres* adsint pluresve sententiæ diversæ, ab ea, cui *plura* accedunt, *pauciora* quoque discedere suffragia, eodemque rem recidere, sive *suffragia* aliquem *eligentia*, sive alicui *adversantia*, hoc est, sententiam sive *pluribus* placentem, sive *paucioribus* displicentem adoptare velis. d) Facitque Electorum suffragia inter *tres* Regni candidatos ita divisa esse, ut PRIMVS quatuor, SECUNDVS tria, TERTIVS denique duo saltem habeat, quo casu *primum* QUATVOR eligunt, sed QVINQVE atque adeo non *plura* modo, sed & *majora absoluta* (inter NOVM) excludunt. SECUNDVM eligunt *tres*, excludunt vero adhuc plures, puta *sex*. TERTIVM eligunt *duo*, excludunt vero plurimi, *septem* plane. Est igitur PRIMVS is, quem non solum *plura* ELECTORVM suffragia (intuitu *competitorum*, hoc est *respectiva*) elegerunt, sed & *pauciora* illum excluderunt. Ei enim non nisi *quinque*, reliquis vero *sex* & *septem* contrariantur suffragia. Quamobrem is etiam jure, & quidem suffragiorum *pluralitate*, sive *majori* Electorum *numero* electus, e) dicendus est; quem PRIMVM diximus, cuique *quatuor* saltem assignavimus suffragia *favorabilia*, *quinque* vero *contraria*. Qua ratione etiam hoc *electionis* negotium habere posset exitum, quo certe alias cariturum foret, si *primo*, quod supponimus, quilibet in sua firmiter persistat sententia, & si *secundo* votorum *conjunctioni* illis, qui suffragia ferunt, invitis inhærere voluerint voluj *Patroni*.

a) Qua *suffragiorum*, in specie licet *diversorum*, in genere tamen *conformium* CONJUNCTIONE casus ille atque decisio PLINII in *Epistola 14. Libro 8.* nititur, ubi suffragia judicium reum *capite* *placencia* & *relegantia*, adversus *absolventia*, & hæc deinceps cum *relegantibus* eo effectu conjuncta fuere, ut *relegatio* dictata fuerit, licet alias *mitior* ex ipsius PLINII, quam GROTIUS de jure B. & P. *Libro 2. cap. 5. §. 19.* sequitur, sententia obtinere debuisset, contra quos *conjunctionem* istam acriter defendit NERIUS in *Analectis suis cap. 30. in Thesaur. J. R. Cel. Ev. OTTONIS Tomo II. Libro I. pag. 364.*

b) Vide supra §. nostrum VIII. pag. 22. ubi *singularium* naturam pluribus excussimus, simulque ista *computari* non posse, demonstravimus.

c) Suffragiorum alia *conjugi* possunt, quod ratione *quantitatis*, illis determinatæ, se invicem contineant. Velut si ex *tribus* arbitris unus *quindecim*, alius *decem*, tertius *quinque* præstari jubeat, tunc judicio JULIANI apud ULPIANVM in *L. 27.*

§. 3. *D. de receptis arbitris*, quinque omnino sive vere debet reus, quia in hanc summam omnes consenserunt, vel potius, quia hæc est media & mitior sententia. Quæ conjunctio magis adhuc fieri poterit, quamilla suffragiorum, quantitate non dissentientium, sed invicem & velut per consequentiam demum *similium*. Vnde ad istum casum restringenda, minime vero ultra eundem extendenda est, cum suffragantium intentioni e diametro adversetur. Teste GROENEWEGEN de *Legibus abrogatis Libro 4. tit. X. pag. 93. sq.* Contra quem frustra disputavit acutissimus alias VOETIUS in *Comm. ad D. Libro 4. tit. 8. §. 19.*

d) Quem in modum pronunciavit Ill. GRAMERVS in *Progr. de votorum disparitate ex pari suffragantium jure definienda*. Marb. 1734. edito, pag. 11. 12. atque tam GELLII quam QVINTILIANI casus hoc modo explicuit. Qui posterior in *Declam. 365. duo exilium*, inquit, *duo ignominiam* pronunciant, *vis ergo illos jungam, qui se ipsos dividunt.*

e) Ad das velim *similem* prorsus a Marq. FREHERO in *Decis. suis Areopag.* ad illustrandum PLINII casum propositam speciem, cap. 7. Supponit is *septem* in campo Martio Electores; quorum *tres* TITIO, *duo* MEVIO, & *duo* rursus SAMPRONIO honorem aliquem decernebant. Vnde jure meritoque pro TITIO atque adeo pluralitate suffragiorum, respectiva saltem, citra ullam conjunctionem, decidit.

## §. XV.

### NATURA SUFFRAGIORVM ELECTIVORVM COLLEGIALIS.

Dissentientium plurimi, istud Sexto quoque, contra *respectivam* suffragiorum in electione Imperatoris *pluralitatem*, adferre solent, quod electio isthæc, sive potius jus eligendi Germanorum Regem, Romanorumque Imperatorem, *Electores* non qua *singulis*, sed qua *universis*, qua *collegiis* constitutentibus, competere dicatur. Vnde inferunt, *majora* in ista electione ratione totius Electorum Collegii talia esse debere. Quod vero ante omnia *vexatissimam* illam, eandemque *vetustissimam* a) *questionem*, utrum jus eligendi Electoribus *singulis*, an *collegio* illorum competat, qua *tali?* adtinet, plerosque, prius istud penitus negantes, *posterius* adfirmare non diffitemur, imo his ipsis nostrum quoque lubentes adjungimus *suffragium*, modo adeo *ambigua* isthæc *questio* rite antea enucleetur. Quodsi enim, ut aliqui, quæras, utrum jus eligendi Imperatorem *Electores*, qua peculiari *collegio*, huic actui destinato, an vero qua reliquorum con-Statuum *commissariis* competat, posterius omnino negandum foret. Quamvis nempe *Electores* haud diffiteantur, se Regem & Imperatorem suo suorumque con-Statuum nomine eligere, eique communi hoc nomine, *capitulationem* præscribere; b) ex altera tamen parte, sine insigni illorum injuria dici haud posset, quod *vice* & *ex commissione* reliquorum eligant c) con-Statuum. Gaudent potius jure eligendi *proprio, perpetuo, irrevocabili*, prin-

principatibus suis: secularibus æque ac ecclesiasticis *adnexo*, eodemque a reliquis Imperii Statibus, quorum nomine pariter eligunt, *independenti*. Neque implicat, aliquid *suo proprioque jure & alterius* tamen nomine exercere. d) Cum præsertim Electores non tantum *alieno*, sed & ceu præcipua Regni membra, *suo simul* eligant nomine. Quodsi porro controversiæ statum ita quis formet, ut quæstio sit, utrum e) *Electores* electionis causa in *uno eodemque loco* convenire, ibi *comitia* collegialia, deliberationesque *comitiales* celebrare, atque conjunctim suffragiis, quæ *collegialia* vocamus, necessario eligere debeant? an vero sufficiat, si *singuli seorsim*, citra conventum, *Legatus* vel *Literis*, verbo, suffragiis, *singularibus* f) adpellari solitis, quem Imperatorem velint, declarent? Quod posterius totius *Aureæ Bullæ* contextui manifesto repugnaret. Vnde satis patet, propositam quæstionem, præsertim nostro scopo adplicatam, ita intelligendam esse, ac si interrogetur, utrum omnes & *singuli*, an vero *plures* saltem in electionem alicujus consentire debeant? Quis vero nunc, post pluribus jam adstructam *suffragiorum* in electione Imperatoris *pluralitatem* de posteriori vel dubitare saltem poterit? Et eatenus etiam lubentes supra relatum *adfirmamus* quæstionem, quatenus scilicet nihil aliud exinde, quam solam suffragiorum *pluralitatem* concludis. Quodsi enim *singulis* saltem Electoribus jus eligendi competeret, istud pronò inde fluere alveo, quod Imperator non nisi *unanimitate* suffragiorum electoralium, id quod tamen a *posteriori* falsum, eligi posset. Quod enim *singulos* qua tales tangit, id etiam a *singulis* adprobandum esse dicitur. g) Quod autem econtrario ad aliquos, velut hic *eligendi* prerogativa, non, ut *singulos*, sed ut *universos* potius, sive qua *collegium* constituentes spectat, id etiam *pluralitate* saltem & non nisi *majoris partis* consensu perficiendum. Hoc est, quod inde sequitur, si electionem *Electores* qua *collegio*, nobiscum etiam adscribas. Nulla vero ratione inde concludi posse arbitramur, quod illi extorquere conantur, sufficere in electionibus Imperatorum, non nisi *majoris partis collegii* consensum, hoc est *pluralitatem* suffragiorum *absolutam*. Quodsi enim hoc verum esset, sine ulla exceptione sequeretur, nullum plane *majoribus* suffragiis *respectivis* locum esse, sed omnia majora *absoluta* esse debere. Omnia enim vel ad *singulos* pertinent; vel ad *collegium* spectant. *Tertium* inter hæc *duo* non datur. Omnis igitur *consultatio* vel *unanimitate* vel *pluralitate* suffragiorum non nisi *absoluta* finiatur necesse est. *Unanimitate*, illa negotia, quæ ad *singulos* magis quam *collegium* spectant. *Pluralitate* vero *absoluta*, quæ *collegium* magis quam *singulos* tangunt. *Tertium* igitur hic quoque, quod *pluralitas* suffragiorum *respectiva* est, impossibile foret. Quod tamen nemo dixerit, cum *necessitatem & utilitatem* vivis omnes illi quoque agnoscant, qui eandem ab *electione Imperatoris* excludunt. Caterum non sine fundamento communis

istius, quæ suffragiis majoribus *respectivis* adversatur, sententiæ causam & occasionem, in hac ipsa nimis præcipitata quæviseris *consequentia*: Pertinet electio ad collegium, ergo MAIORIS COLLEGI PARTIS consensus sive pluralitas suffragiorum *absoluta* requiritur. Quo ipso omnes hac *connexione* utentes fateri debent, omnia illa negotia, in quibus alibi *respectiva* sufficit, non ad collegium, sed ad singulos spectare, quod tamen dici nequit, quia alias non pluralitate, sed unanimitate suffragiorum terminanda forent. Quod quam *proficuum* h) rebus publicis foret, alii disceptant.

a) Conf. HOSTIENSIS atque PANORMITANVS ad *cap. venerabilem 34. X. de electione*, quorum ILLE jus eligendi *singulis*, hic vero collegio adscribit. Vnde simul ILLE pluralitatem suffragiorum electivorum negavit, HIC vero ex eodem fundamento adstruxit. Addas velim, qui PANORMITANVM omnes fere sequuntur, LVPOLDVM de *Babenberg, de jure Regni Francia cap. 6* apud SCHARIDVM de *Jurisdic. Imp. pag. 317*. Petrum de ANDLO de *Jure Regni Libro II. cap. 2*. LIMNÆVM in *Jure publ. Libro II. cap. 3. num. 67. sq.* atque BUXTORFFIUM ad *Aur. Bull. concl. 35*.

b) Teste proœmio *Cap. casar* velut *novissima*.

c) Cave putes, *controversiam* hanc dudum antiquatam esse. Recruduit illa potius novioribus temporibus aliquoties, tum occasione *Capitulationis perpetuæ* apud PFEFFINGERVM in *VITR. illustrato Tomo I. pag. 85 s. num. 5*. tum occasione *noni electoratus*. Quorsum *acta* illa faciunt, quæ in *electis juris publici curiosis*, exhibuit Cassander TRVCELIVS, anno 1694. 4. editis Tomo I. cap. 1. pag. 67. 93. 299. ubi quæ tum in *utramque* partem disputata fuere, una cum testimoniis reperies.

d) Conf. *Diff. nostram de independentia juris circa sacra*, Illustri HELFFERICHIO *Præsidi* hic loci habitam §. 8. in fine. pag. 21.

e) Quem ad modum hanc quæstionem *plures* explicare solent. Audias vel unicum SCHÜTZIUM, qui de *Statu rei Romana Vol. 1. Diff. 2 thes. 1. lit. e*) Collegialiter, inquit, non in locis diversis fieri debet electio. Est enim actus collegialis individuus. Adde STRYCKII *Diff. de jure præsentia circa negotia Imp. cap. 3. §. 4*.

f) Velut Ill. LVDWIGVS in *Consil. Hal. Tomo II. Libro II. consil. 36. num. 2. sq.* atque Ill. ICKSTATT in *Diff. sæpius adducta, cap. 1. §. 70*.

g) Confer omnino eruditam L. B. de OSTERHAVSEN *Diff. de jure singulorum a majori suffragiorum comitialium numero excepto*. Vitemb. hab.

h) Argumento in genere adstruitorum ab Ill. ICKSTATT *ibid. cap. 1. §. 38-39. 67. 68. atque Cel. CANZIO, in Discipl. Moral. §. 1139. sq. pag. 181 sq.*

## §. XVI.

### SVFFRAGIA ABSENTIVM.

Iam vero vel tandem, ab ipsa illa, quam adhucdum investigavimus, *respectiva* in electione Imperatoris suffragiorum *pluralitate*, discedere, atque ad



ad reliqua *pluralitatis* illius, generatim considerata, capita progredi licebit. Nondum enim diximus, qua ratione *absentium Electorum* *suffragia* sese ad horum *pluralitatem* habeant? *Absentes* autem heic, ut distincte procedamus, non vocantur illi, qui, licet ipsi venire vel *noluerint* vel non *potuerint*, suos tamen *Legatos* sive, ut cum ipso *Carolo IV.* loquamur, *legales* suos *Nuncios* a) *ad locum electioni destinatum direxerunt*: Sed isti demum tales sunt, qui, rite licet atque solemniter *vocati*, b) nihilominus neque ipsi *venierunt*, neque *Legatos miserunt*, neque vero etiam suam alii cuidam *Colectori demandarunt* vicem atque vocem, non adtento deinceps illo discrimine, sive venire *voluerint*, & non *potuerint*, sive e contrario venire quidem vel *legatos mittere potuerint*, nec tamen *voluerint*. Hi enim utrique in *electione* illa, cui non intersunt, *suffragio carent* c) *Electoralis*, eodemque pro circumstantiarum diversitate, qua unicum istum actum, vel *privati*, vel istud sponte *deservisse* sive *dereliquisse* censentur. Quibuscum *paria* illi quoque experiuntur fata, qui, vel ab initio *adfuertunt* quidem, sed ante electionis finem rursus *discesserunt*, vel initio quidem non *adfuertunt*, sed post electionem demum *advenerunt*. d) Adeo ut in omnibus hisce *casibus* nulla prorsus *absentium* eorundemque *suffragiorum*, quoad horum *computum* atque *pluralitatem* habeatur ratio, ut, si exemplo res dilucidanda, *absentibus* duobus *Electoribus*, collegium *electorale* non nisi *septenvirale*, atque hinc *quatuor* *presentium* *suffragia* jamjam *majorem* & *absolutam* quidem constituere intelligantur *partem*. Immo in *Electionibus* *Imperatorum* jam ab antiquissimis temporibus adeo sola *presentium* ratio habita fuit, ut ipsa sua *absentia* jus coeligendi amiserint reliqui *Principes*, & *presentes* indistincte, sive *majorem*, sive *minorem*, constituerint numerum, si reliqui in veniendo sint contumaces, nec aliud quid obstat, *electionem* peragere potuerint, peractaque hæc electio *valida* non modo, sed &, si *presentes* omnes, veluti *quatuor*, consenserint, *unanimes* quoque habita fuerit, non adtento quippe *absentium* dissensu. e) Vnde illi egregie fallunt, fallunturque, qui sibi aliisque persuadere conantur, *majorem* *suffragiorum partem*, hoc est illorum *pluralitatem*, intuitu omnium prorsus *Electorum*, sive *presentium* sive *absentium*, minime vero habita tantummodo in ipsa *electione presentium* ratione intelligendam, atque computandam esse. Principem ita sententiarum rationem, potissimamque illorum, quibus niti solent, argumenta f) jam tum perlustravimus, cum, utrum *majora* in *electione* *Imperatoris absoluta*, & intuitu totius *Collegii Electorum* talia esse debeant, investigavimus. Est quippe sententia illorum, *corollarium* velut atque conclusio, vel si mavis *appendix* inveteratæ illius, quam modo diximus sententiæ, nunc demum in dubium vocatæ. Quo vero etiam per modum *fissionis* posito, illius de *absentium* *suffragiis* quoad *pluralitatem* horum connumerandis, the-

seos falsitas nihilominus cognosci potest. *Electio*, prout id minime negamus, sed supra g) diserte adstruximus, est omnino *actus collegialis*, non nisi prævia *communi* atque *comitali* deliberatione suscipiendus. Est Electoris non *eligere* solum, sed & *consultare*. In quo potissima illius ratio consistit, quod suffragia *electoralia* non nisi, vel in *persona*, vel per *Coelectorem*, vel mediante *nuncio*, minime vero in *scriptis*, data *epistola* peculiari, in electione Imperatoris, ferri queant. Iam vero, qua ratione, quo jure, istos *connumerebis*, istos *membra* collegii electoralis hac vice censebis, qui talia vel esse *volunt*, vel esse non *possunt*, verbo, qui *suffragio* & *voce*, hac vice carent. Cur non hic quoque, quemadmodum supra, ad *Pontificis Romani*, ad *Episcoporum*, atque in genere *Praelatorum* electiones provocant dissentientes? Quia nempe haud ignorant, in hisce itidem sufficere *majorem*, *PRÆSENTIVM* tantummodo Electorum, *CARDINALIVM* h) atque *CANONICORVM* i) *partem*, nullamque prorsus hic quoque *absentium* haberi rationem, immo etiam, si *minor* tantummodo comparuerit pars, has quoque electiones jure peragi posse, k) non obstante *majori* *ABSENTIVM* & dissentientium forte *numero*, si nempe, quod omnino monendum, reliqua omnia sint *paria*, neque aliud quid, præsertim nota *factionis* l) *minorem* hancce *partem* jure suo privet. Solummodo igitur *præsentium*, & actu quidem vel per se *ipsos*, vel alios *Coelectores* vel *Legatos* denique, eligentium vota, suffragiorum in electione Imperatoris *computum* variare, eorundemque augere possunt *pluralitatem*. Quod ipsum, de *absentibus* dictum, de illis quoque dicendum, qui loco designandæ alicujus personæ, se *indifferentes* esse, testantur. Horum enim vel itidem *nulla* plane habetur consideratio, vel ad *majorem* referuntur m) *partem*, atque hac ratione, *fictione* juris, suffragiorum augebunt *pluralitatem*.

a) Quibus *terminis* ipsa utitur *Bulla*, quam eminenter vocare solemus *Auream*, Tit. I. §. 19. & 23. ubi *LEGALES* non solum ab Imperatore diserte requiruntur *NUNCII*, verum etiam præter illos adhuc desiderantur *Litteræ patentes*, hodie *CREDENTIALIA* stylo publico dictæ, *eademque sigillo mittentis majori sigillata*, *plenam* denique, *liberam ac omnimodam potestatem continentes*. Quamobrem in eo omnes conveniunt, quod *Legato*, ad Electionem ab Electore quodam mittendo, opus sit *mandato* non solum, sed & *mandato*, quod vocamus, *pleno*. Sunt enim hi quoque *legales nuncii*, sive *Legati* electorales, nihil aliud, quam *mandatarii* & *procuratores* ad instar omnium reliquorum *Legatorum* publicorum, *mittentes illi mandantes*, & *litteræ* istæ *patentes*, *mandata*. Id quod post Cel. istum heroem litterarum *Corn. van BYNCKERSHOECK* in *Quæst. juris publ. Libr. II. cap. 7. p. 228.* aliosque denuo probavit *Illustris* nosterque etiam Patronus venerandus, J. C. *ESTOR* in *Schedio suo de jure poscendi litteras credenciales à Legatis* Jen. 1740. edito §. 3. pag. 5. sq. In eo autem

tem

sem non omnes rerum impetialium *consultos* convenire, sed potius valde discrepare observabis, an nimirum *Legato* ejusmodi præcisè necessarium sit *mandatum generale*, nec vero etiam *speciale* aliquod sufficiat, hoc est, (diverso enim significato subinde hæc ipsa, *generale* æque ac *speciale*,) mandata accipiuntur) utrum *Elector* aliquis suo *Legato*, ut hanc velillam determinatam *personam*, præcisè, nec vero aliam eligat, in *mandatis* dare queat, an vero ipsius personæ determinationem *Legati arbitrio* relinquere teneatur? Quam quidem quæstionem difficilem satis, atque spinosam, arbitramur. Sunt, qui non nisi *generale*, ob illa ipsa *Aurea Bullæ* verba, *plena, liberæ ac omnimodæ potestatis*, admittunt. Sunt porro, qui, cum verba ista *insufficiens* & *minus plenum* saltem, non vero ideo etiam *speciale*, quod itidem *plenum* & *liberum* esse possit, excludere persuasum habeant, etiam *speciale*, modo *plenum*, sufficere contendunt. Vid. PFEFFINGER ad VITR. Tom. I. pag. 807. sq. Sunt denique, qui *mediam* electuriviam, distinguunt inter literas illas, *patentes*, solemnes *publicas*, quas *mandatum*, *credentiales*, diximus, quæque *Moguntino* statim exhibendæ sunt, & inter *litteras* *Legato* ad *privatam instructionem*, hoc ipso nomine *der Instruction* insigniri solitas, *istiusque* quidem, secus ac *hisce* certam *personam* exprimi non posse, dicunt. Exemplo MAVRITH de Orig. Elect. & Comitibus Electoralibus cap. 2. §. 9. atque KVLPIUSH in Tr. suo bonæ frugis plenissimo de Legat. Stat. Imp. cap. 10. §. 4. pag. Oper. Argent. 667. Et sane, si, quibus calculum adjiciamus nostrum, exprimendum, cum *hisce* omnino sentiendum erit, partim, quod *suffragium*, cum debeat esse *collegiale*, ante ipsam deliberationem *collegialem* ferri, atque scriptis vel literis, *Aur. Bull. tit. 1. §. 19. & cap. 46. de Elect. in 6.* consignari nequeat, partim vero etiam, quod *Imperatori* nostro de *patentibus* sive *publicis* ibi tantummodo sermo sit *litteris*, ubi *liberam* & *omnimodam* *Legato* concedendam esse sanxit potestatem, quodque *privata* illa *litteræ instructionum* legibus commode haud subjaceant, sed cujusvis potius *Electoris* arbitrio relinquendæ sint, atque etiam *conditionata* esse queant. Non amplius proin obstantibus exemplis illis, quæ pro *generali* æque ac *speciali* allegari solent mandato. Conf. omnino *Perill. LVDEWIGIVM* ad cit. *Auræ Bullæ* locum.

b) Immo etiam, quoad *Electionem Imperatoris*, secus enim res se habet, in *electione Regis Romanorum*, a *Moguntino* non *vocati* atque in vocatione *præteriti*. Interpellat quippe hic quoque in *publico jure hominis* loco, ipsa *lex*, *Auræ* nempe *Bullæ tit. 1. §. 19.* Quicquid deinceps illi obvertant, qui cum eodem modo laud. *LVDEWIGIO Tom. I. pag. 218. not. l.* *electionem* ipsam omnia alicujus *vocatione* vitari contendunt. Aliud dicendum erit in ipso *conflictu*, si quis *Electorum* fuerit *exclusus*.

c) *Aur. Bull. Tit. 1. §. 23.* ubi: *electionis voce*, seu *jure*, quod in eadem *electione* habuit, & *tali modo deservit*, CAREAT ea vice.

d) *Chrysobulla cap. 1. §. 23* & *in primis cap. 2. §. 4. cap. 2. §. 7.*

e) Demonstrabimus id data hunc in finem peculiari opera, cum *partem* hujus præsentis laboris *historiam*, *SCHIDIVM* nempe, cui ultima saltem deficit lima, de origine pluralitatis *suffragiorum* in *Electione Imperatoris*, jam supra promissum,

exara-



exarabimus. Tunc enim ex ipsis *medii aevi* scriptorum testimoniis palam fiet, *discordes* quoque Electiones ab aliis, intuitu *praesentium* saltem, *unanimes* dictas fuisse.

f) Adducta atque diducta pluribus a LVDEWIGIO ad *Aur. Bull. Tit. 2. §. 6. not. p) Tom. I. pag. 373.*

g) Vide §§. nostros II pag. 8. & §. XV. pag. 42.

h) Diserte satis id probantibus *Bullis* illis de *Electione Pontificis* praecipientibus, collectis a MEVSCHENIO. Sic GREGORIUS XV. & VRBANUS VIII. in *Bullis suis Aeterni Patris, & Ad Romani, de annis 1621. & 1625. pag. ibid 43. & 99* non nisi *Cardinalium* in conclavi *praesentium* mentionem faciunt. Inde est, quod *praesentes Romae Cardinales* olim *absentes* jam ex constitutione *Concilii Lugdunensis* atque postea *Bulla* PII IV. In eligendis, de anno 1562. *ibid. pag. 38. sq. §. 3. Nos quantum & §. 6. Declarantes nihilominus. pag. 40. & 41.* non nisi DECEM dies expectare debuerint. Quemadmodum id etiam probari posset argumento CLEMENTINAE II. edita anno 1390. *Ne Romani, de Elect. §. 4. Porro si Romano*, qua sancitum fuit, illos quoque *Cardinales*, qui in conclavi permanferint, vel istud reintraverint, non expectatis vel adtentis reliquis *absentibus* istudque egressis, ad ipsam *electionem* procedere posse. Paucis, adeo nulla hodie ratio habetur *absentium Cardinalium*, ut neque *convocatio* ipsorum absolute necessaria sit, neque, qui venire ipsi nequeunt, sua suffragia, alteri cuidam *Cardinali* curanda committere queant, observante EMAN. GONZALEZ TELLEZ ad *Decret. Libr. I. tit. 6. fol. 246.*

i) De quorum *absentia*, vocatione, contemptu, exclusione, *praesentia*, pluribus & solide satis egit PASSERINUS in *Tr. suo de Electione cap. XI.*

k) Conferri huc omnino debet, qui *analogiam* tam juris *civilis*, quam *canonici*, egregie huc facientem, una cum contrariis adduxit, ARVMES in *Disc. I. ad Aur. Bull. Tbes. 34. pag. 70. 71 & in Disc. II. Th. 18. p. 104.*

l) Intricatam hanc de *saëtionibus* atque *saëtionariis* materiam, occasione ipsius *juris*, quod *majori* numero competit, in genere eleganter satis extricavit III ICKSTAT in *Diff. Juris Publ. III. de causis, in quibus Status Imp. in partes eunt, cap. 1. §. 6. m. sq.*

m) Qua de observantia *generali* atque *comitiali* testatur ANONYMUS ille Auctor des ausführlichen Berichts, wie es auf Reichstagen pflegt gehalten zu werden, apud GOLDASTUM in *Part. 22. derer Reichs. Handel cap. 6. pag. 131. sq.* Ubi: Ob auch einer darunter (*intellige* unter denen Reichs. Ständen) angezeigt, er wäre *indifferens*, wird derselbige als denen mehrern beyfällig verstanden, er erkläre sich denn *apert* des Widersinnes ic.

## §. XVII. SVFFRAGIA PROPRIA.

Supereſt adhuc, ut id, quod jam *ſupra* quidem, ſed *incidenter* ſaltem & aliud quaſi agendo tetigimus, quodque ſuo etiam jure ad noſtram de *pluritate*

*valitate suffragiorum in electione Imperatoris*, hac ratione, ad finem usque, quod speramus, *pertractatam* pertinet materiam, quid nempe de eo sit sentiendum *suffragio*, quo quis Electorum *semet ipsum* elegit, laudavit, sive *de se ipso* iudicavit, a) verbo, quid de *SUFFRAGIIS Electorum* PROPRIIS pronuntiandum sit? paucis &, cum alii jam ante nos hanc ipsam susceperint *spartam*, b) pro nostri saltem *instituti* formula, ostendamus. Vbi quidem *primo* statim omni plane *dubio* caret, quod Electores *seculares* c) ipsa lege *publica*, tam *scripta* d) quam non *scripta* e) *sibi*met ipsi suffragium suum *electivum* dare, hoc est, *proprie* suæ, Regalis atque Imperialis, dignitatis *suffragatores*, a *Græcis* eleganter satis *αὐτοκράτορες* dicti, existere queant. *Secundo*, certo certius est, quod ejusmodi aliquod suffragium electorale *proprium*, tam in casu *unanimitatis*, quam etiam *pluralitatis*, & hujus quidem *utriusque*, tam *absolutæ*, quam *respectivæ*, adtendi, *computari*, immo etiam in casu *paritatis*, sive *æqualitatis* utriusque suffragiorum partis, *decidere*, *majorem* partem constituere, hoc est, *pluralitatem* suffragiorum augere queat. Quod ipsum *tertio*, si non *expressu* lege, *usuali* tamen *interpretatione*, præsertim *Bohemiae* REGVM exemplo, quibus jam *tertium* f) in electione Imperatoris competit suffragium, adeo indistincte obtinet, ut perinde sit hodie, sive jam *duo*, *tria*, vel *nulla* suffragia, sibi faventia, ejusmodi Electorem, *se ipsum* eligentem, præcesserint, sive *reliqua* istum demum insequantur. Ut adeo *quarto* nihil plane, quoad computationem atque *pluralitatem* suffragiorum interfit, sive quis *alium*, sive *se ipsum* eligat. In quo tamen *quinto*, insignis omnino *SERENISSIMORVM* Germaniæ ELECTORVM *prærogativa* consistit atque *præminentia*, eisdem propria fere, neque vero cum *Pontificis Romani* g) vel *Poloniarum Regis* h) vel ullis aliis i) ELECTORIBVS *communis*. Denique *sexto*, an hæc ipsa, paucis modo adducta, *POTENTISSIMORVM* Germaniæ ELECTORVM haud contemnenda *semet ipsos* eligendi facultas, ad illum quoque porrigenda sit casum, quo Electorum aliquis suffragium suum *alii* cuidam, non solum jam antea *promisit*, sed & postea in ipsa electione actu jam *dedit*, deinceps vero illud, ideo, quod forte quædam adhuc alia, præter spem & opinionem, quod tamen, cum plerumque jam antea soleant esse *certa*, raro continget, nactus fuerit suffragia, *variare*, k) revocare atque in *semet ipsum* transferre velit? *quæstio* est, legibus nondum decisa, & hinc in *utramque* partem facile disputanda. Quanquam rationes, pro *adfirmativa* l) militantes, veluti, quod in casu promissionis, *conventio* ejusmodi, pactio atque promissio contra expressam *legem*, contra *juramentum* m) ab ipsis præstitum, atque adeo nullius proflus, si promissis sponte stare nolit Elector, n) momenti atque valoris sit, & quod in casu dati jam *tertio* cuidam suffragii, nemo ex *editione* suffragiorum sibi jus aliquod, *prius*, quam post *solemnem* illorum *publicationem* o) quæsitum adrogare queat, cum

alii etiam dentur *casus*, v. gr. *paritatis* suffragiorum, in quibus ejusmodi *variatio* suffragii, totiusque electionis *repetitio* fieri debet, longe majoris videantur esse *ponderis*, quam illæ, quæ pro *negante* adduci possunt sententia. Nobis vero jam sufficiat, hoc quoque *coronidis* loco addidisse, & nunc eo securius *portum* petere, *velaque* contraheret, id est post submissam, *Supremo Numini*, pro clementissime concessis viribus, præstitam gratiarum actionem, hic subsistere posse.

a) Quid olim Germani nostri de *sui ipsius* electione senserint, facile cognoscet ex ORATIONE *minoris* illius CHVNONIS, quæ *majorem* sive *seniorem* CONRADVM, *patruelem* suum, Imperatorem postea hujus nominis II. atque *Salicum* (cujus & *ortum* & *electionem* plenius excussit *Sim. Frid. HAHNVS*) cognominatum ad *pacem* atque *concordiam* inter ipsos, ceu Regni *candidatos*, servandam invitavit, apud WIPPONEM, *testem uti aequalem*, illius temporis *Presbyterum* & Imperatoris *Cancellarium*, ita omni exceptione longe majorem, in *descriptione* sua, *pragmatica* quidem, sed *imperfecta*, *vite* CONRADI illius II. *Salici* Imperatoris, apud PISTORIUM in *Tomo III. pag. edit. STRUV. 464. ubi: In omni electione*, inquit ille *minor CHVNO*, *nemini licet de se ipso judicare: licet autem de alio. Quodsi alicui de se liceret, quot regulos, ne dicam reges, videremus. Non erat nostra potestas, hanc dignitatem* (Regni *Candidatorum*) *ex multis inter binos coartare*. Digna sane *Principe* hoc *Salico* verba, a nemine adhuc, quod sciamus, adtenta satis. Magis quippe *gloriosum* fore is etiam putabat, *eligi*, quam *eligere*, *electum* esse, quam *electorem*.

b) Nominabimus non *omnes*, sed illos saltem, qui data ideo opera, hancce *spatiam* exornarunt, atque a PFEFFINGERO ad VITR. *Tom. I. pag. 829. sq. not. c. & d)* plures alios laudante, prætermitti fuerunt. Sunt vero illi absque dubio, tum KAESTNERVS in *Diff. de suffragio proprio*, tum SCHRAGVS in *Diff. Arg. anno 1721. habita de electione sui ipsius*, tum inprimis quoque *Car. Mich. FISCHVECK de suffragio se ipsos eligentium* Goth. 1728.

c) *Ecclesiasticos* namque sive *Clericos* Germaniæ nostræ *Electores*, non quidem *lex ipsa*, sed *observantia* tamen, propriaque ipsorummet *conditio*, quemadmodum ab omni plane spe obtinendi Imperii, ita etiam *proprio sui ipsius* suffragio remouet. Non *Aurea Bulla*; licet hæc subinde *TEMPORALIS* populo christiano eligendi *capitis*, nunquam vero *Ecclesiastici*, mentionem faciat, vid. *tit. 2. §. 3. 4. 5. atque temporale* idem denotet, quod *seculare*, ipsius quoque *legis 7. Cod. Theodos. de Episcopis* argumento, hincque præferenda omnino sit *versio illa germanica, weltlich*, præ ista, quæ legit *zeitlich* *Oberhaupt*, quod nempe etiam *clericus*, si eligeretur, non *ecclesiasticum*, sed nihilominus *temporale* sive *seculare* populi Christiani *caput* foret. Eadem penitus ratione, eodem jure & modo, quo in *Germania* nostra clerici dantur haud pauci, *principali*, eodemque *seculari*, fastigio con-

conspicui. Verum illos tamen repellit *OBSERVANTIA*, qua omnes adhucdum *Imperatores*, quotquot illorum fuere, *laici* atque *seculares*, quo utroque vocabulo *Bulla* uitur *Aurea*, vide *lis tit. 7. §. 2. & tit. 11. §. 5. & LVDEWIGVM Tomo II. pag. 47. not. 1.* fuerunt. Conf. B. D. D. SCHWEDERV in *Diff. de Electione Imp. habilitatem persona eligenda continente*; *thes. 7. Tomo Diff. Ejus II. pag. 80. sq.* ubi etiam argumenta ab ipsorum *CONDITIONE*, qua sese *negotiis* immiscere non possunt *secularibus*, vid. c. 6. cum ad verum, *Disinct. 96.* hincque etiam *alibi*, praesertim in *feudis* succedere nequeunt. Pluribus hoc *posterius* dilucidante & probante *III. LVDEWIGIO* non ad *Aur. modo Bull. Tom. II. pag. 487.* sed & in *pec. Diff. de Clerico exsule successionis in secula & principatus S. R. J. Hala 1722. habita, cap. 1. §. 23. & 14.* Contra quam *dubia*, quae movit *III. nosterque Patronus*, omni venerationis cultu prosequendus, G. Cbr. GEBAYER, vide in *Ejusdem Promulsae de CCCC. annorum usu, Gostinga anno 1735. edita.*

d) *Auream* sine dubio intelliges *Bullam*, & recte quidem. Vid. *tit. ejus cit. 2. §. ult. sive 10.* ibidemque praecipuos illius *commentarios ARVMÆI, LIMNÆI, & LVDEWIGII*, nec non quae hanc in rem supra §. X pag. 28. disseruimus.

e) *OBSERVANTIA* nempe, legem istam, ipsa quoque generali *presumptione* stipatam, insecuta. Quo nomine omnium primo notabis *electionem RVPERTI BAVARO-Palatini*, quem anno 1410. deposito prius *WENCESLAO*, trium illorum *ecclesiasticorum*, svoque inprimis *SUFFRAGIO* proprio electum fuisse, jam supra diximus, & ipsa *acta* ab *OBRECHTO*, in *Adparatu Jur. publ.* maximam partem edita, magis adhuc comprobant. Quamvis, quod omnino monendum, ex *illis ipsis*, veluti *denk Rechtlichen Bedencken, der Stedt Abgesandten* gegeben auf den Tag zu *Maynz de anno 1400. ibid. pag. 82.* imo ex ipso *Diplomate electionis ibid. pag. 75.* adparere videatur, *RVPERTVM sibi ipsi suffragium* non nisi per *Procuratorem*, *MAGNIVM* dedisse, eique ob hanc ipsam causam, ne se ipsum *dignissimum* putare videretur, suum antea jam tradidisse *suffragium*. Secundo, utriusque; defuncto hoc *RVPERTO*, in discordia Principum Electorum, electi, *JODOCI, Moravia Marchionis*, & *SIGISMUNDI Regis Hungariae*. Uterque enim exercitum *suffragii electoralis* Marchionatui *Brandenburgico* adnexi, & ille quidem, ob actuale hujus *possessionem*, hic vero ob *expressam* in illius concessione factam, ab illo autem negatam, vocis *Electoralis reservationem*, praetendebat; sed vide *Aur. Bull. cit. 20. §. 2. & 3.* atque laud. jam supra *Cel. KQEHLEI vindicias dubia electionis JODOCI, §. 3. & 4. sq. pag. 12. sq.* Tercio rursus hujus ipsius *SIGISMUNDI*, in repetita sua, eademque, post *JODOCI* mortem, non discordi amplius, sed *unanimes* potius, *electione* anno 1411. facta, ejus *acta* vide apud *LERSNERVM in Chron. Francof. Libro 1. cap. 7. pag. 91. & WENCERVM in Adparatu Archivorum num. 56 pag. 308.* Teste inprimis quoque *Epistola* illa, hujus *electionis* causa ad *Spirenses* data, ideo notatu dignissima, quod diserte perhibeat *SIGISMUNDVM*, in *Hungaria* tunc commorantem, tibi ipsi per *Procuratorem* suum, *FRIDERICVM Burgravium*, *suffragium* dixisse, eoque ipso *fabulam*

DVBRAVII in *Hist. Boh. Libr. 23. pag. 621.* cuius fide permulti nitebantur, satis superque refellat, apud LEHMANNUM in *Chronico Spirenfi Libr. VII. cap. 81. pag. 866.* Quarto denique omnium ferme inde a FERDINANDO I. Bohemia Regum atque Electorum, nec non deinceps Imperatorum exemplo, speciatim MAXIMILIANI II. RVDOLPHI II. MATHIÆ, LEOPOLDI, CAROLI tandem VI. gl.m.

f) *Aur. Bull. tit. 4. §. 4. ubi: Tertio, a Rege Bohemia, qui inter Electores laicos, ex Regia dignitatis fastigio jure & merito obtinet primitivam.*

g) Quam sui ipsius electionem Cardinalibus, conclavi, Pontificem Romanum eligendi causa, inclusis expresse primus, quod constet, prohibuit GREGORIUS XV. in *Bulla sua de electione R. P. quæ incipit: Aeterni Patris, filius, edita anno 1621. §. 3.* Numerum autem, apud LAERTIUM CHERVIVM in *Magno Bullario Romano Tomo III. pag. 444.* atque MEVSCHENIVM pag. 55. suffragiorum duarum ex tribus partibus cardinalium, in conclavi presentium, ut electio per viam scrutinii, siue scrutinii & accessus valida sit, decernimus & declaramus ita esse censendum, ut in duabus tertiis partibus, suffragium electi non numeretur, nec quisquam siue scrutinio, siue scrutinii & accessus, siue compromissi via procedatur, se ipsum eligere, seu suffragium sibi dare ullatenus possit: Electi tamen persona, pergit GREGORIUS, si in Conclavi sit, debet in numerum Cardinalium computari. Unde in ejusdem GREGORII Ceremoniali Electionis Pontificia ejusdem anni §. de numeratione suffragiorum, pag. ibid. 93. legimus, & siquidem ex ea adparuerit, electum alii suffragatum fuisse, electio ejus erit canonica, si vero consisterit, sibi suffragium dedisse, ejus electio ex dispositione Gregoriana constitutionis nulla erit, ob defectum unius suffragii. Quemadmodum illius ipsius Gregoriana Constitutionis verba repetit in sua *Bulla Ad Romani, de anno 1625. VRBANVS VIII. pag. ibid. 99.* & apud CHERVIVM cit. loc. Tom. V. pag. 93. Quibus constitutionibus occasione forsan dederunt facta illa JOHANNIS XXII. & XXIV. seipsos eligentium, si fides illis haberi poterit, quæ tradiderunt NAVCLERVS in *Tomo II. Chronogr. Gener. 44.* & Steph. ZEGEDINVS in *Spec. Pontif. sub voce ambitiosi*, ubi hujus quoque, fabule non adeo dissimilia recensuit verba: *Dare mibi chlamydem Petri, dabo ego Pontifici futuro, quo facto, pallium ipse induens, dixisse fertur, Ego sum Papa.*

h) Cujus Regni leges, circa electionem Regis, fundamentales, ipsum candidatum ne quidem, in campo electionis, presentem esse, multo minus eidem, sibi ipse suffragari, permittunt. Vide ZALASZOWSKY *Jus Publ. Regni Polon. pag. 202.*

i) Vide præsertim cap. 26. X. de *Jure Patronatus*, LYNCKERI *Diff. de presentatione sui ipsius, & notam nostram b) supra ad §. X. pag. 32.*

k) Quæ suffragiorum electoralium variatio atque mutatio illius quoque turbulenti Germaniæ status, post FRIDERICVM II. usque ad RVDOLPHVM I. quem interregnum magnum vocare amant, causa haud postrema fuit, satis ideo superque, nec sine causa, Principibus Germania a Pontificibus Romanis exprobrata. Inde VRBANVS IV. in *litteris ad RICHARDVM, apud DV MONT, dans son Corps Diplomatique Tom. I.*

PAG.

pag. 216. sq. præsertim, scribit, cum non tantum major pars Principum prædictorum, imo omnes, excepto nobili viro Marchione Brandenburgensi, qui etiam paratus est tibi obedire (i. e. suum suffragium in tuum favorem mutare) electioni de re facta consensuerant. Hinc porro CLEMENS IV. in literis suis ad Bohemia Regem, apud RAYNALDUM in *Annal. Eccles. ad annum 1269. pag. 168.* Hoc si memorati Principes, inquit, qui de tertia electione, ut supra exprimitur, satis inconsulte cogitare dicuntur, consultius adtendissent, puderet eos super jure Imp. ejusdem inter electos ipsos, quos constat eosdem Principes elegerit, pendente judicio, non sine nimio VARIATIONIS opprobrio, & inconstantia nota, in vnum talia cogitare. Cum enim Pontifex controversiam istam notissimam de *Jure Imp.* inter RICHARDUM & ALPHONSUM sua sententia dirimendam suscepisset, aliqui vero Principum Electorum, qui jam oriebantur, ad ipsam illam Pontificis decisionem, imperiali majestati parum congruam, evitandam, utroque repudiato, tertium, ipsum Bohemia Regem OTTOCARUM, eligere constituerent, Pontifex hoc ipsorum consilio comperto, non solum *lite*, ut agebat, pendente, omnem suffragii usum prohibuit, verum etiam omne istud, quod actum forsan gestumve hac in causa fuerit, laudata epistola antecesserit irritum nullumque declaravit.

l) Quam tueri videtur III. LUDWIG ad *Aur. Bull. tit. 2. §. 10. not. m)* *Tome I. pag. 409.* idque præsertim argumento tam ipsius *Aur. Bull. all. §. 10.* quam vero etiam *cap. 33. X. de elect.* Quod istud attinet, nobis videtur, non licere sine ullo fundamento, adeo extensivæ leges Imp. publicas interpretari. Quoad hoc præferenda potius erit GONZALEZII interpretatio, menti Pontificis vel ideo magis congrua, quia caput istud saltem consensus, non vero etiam suffragii electi mentionem facit. Diversissima autem sunt, electioni de se ab aliis factæ consentire, & sibi ipsi suffragium dare.

m) In *Aur. Bull. tit. 2. §. 3.* diserte præscriptum.

n) Exemplo LUDOVICI BAVARI, qui suum suffragium FRIDERICO AVSTRIACO promississe quidem, verum deinceps, tria illa Moguntini, Trevirensis & Bobemi nactus suffragia, non præstitisse dicitur, ideoque etiam excusatur apud ARNÆUM *Disc. II. lb. 22. pag. 116.*

o) Argumento eorum, quæ tam in *Ballis* de electione Pontificum, quam reliquo Pontificio jure de publicatione scrutinii & suffragiorum, hacque demum perfecta electione occurrunt. Sic, ut ex utroque hoc fonte unicum saltem decerpamus testimonium, GREGORIUS XV. in *Bulla* sua sapius adducta *Æterni Patris, de anno 1621.* apud MEVSCHENIUM *pag. 55. §. 4.* Rursus neminem per viam scrutinii, seu scrutinii & accessus, haberi sanxit pro electo, nisi publicatis omnibus suffragiis & electi, si numerum tantum duarum ex tribus partibus habuisse compertum sit, etiam schedulis apertis. Quemadmodum e contrario jam antea GREGORIUS IX. in *cap. 28. X. de electione & electi potestate* rescriptit, publicato scrutinio variare non amplius posse Electores, cum sit facienda collatio, & electio celebranda. Ad quod per superiorem,

*riorem, si oportuerit compellantur. Quae de variationis, in hoc electionis negotio vel permissione, vel prohibitione, suo jure conferri meretur, magni adhuc nominis Jureconsultus B.D.D. Joh. Andr. FROMMANNVS in Diff. de Jure variandi hic loci anno 1671. habita, Part. spec. Sect. 1. cap. 3. membr. 3. num. 1st. pag. 6.. & membr. 4. num. 194. pag. 72.*

## TANTVM.

# PARERGA

IN

## VACUI FUGAM ADJECTA.

I.

Habet suam quoque utilitatem pactum illud, de non praestanda evictione.

II.

Datur praescriptio contra leges, etiam diserte prohibitivas.

III.

Datur jure Germanico tacita, eademque saepius particularis saltem, emancipatio.

IV.

Pacta de alterius superstitis heredio, neque Romano, neque Germanico, jure adprobantur.

V.

Pacta successoria, cum ipsius acceptantis persona, intereunt.

VI.

Competit fratribus germanis, etiam tunc inofficiosi querela, cum eis honestam testator praetulit personam.

VII.

Ordinis beneficium, fidejussoribus omnibus, commune non est.

VIII.

Exulat in pactis nuptialibus quarta illa Trebellianica.

IX.

Non dantur pacta dotalia, quae vocare solent, mixta.

X.



X.

Valent pacta ista dotalia , quibus communio bonorum , vel restringitur jure particulari introducta, vel plane tollitur.

XI.

- Non implicat , Dominum, sui vassalli, vassallum esse.

XII.

Datur etiam feudum inofficiosum , eodem, cum reliquis inofficiosis, jure, censendum.

XIII.

Substitit hypotheca feudalís etiam absque Agnatorum consensu.

XIV.

Parentes, etiam de feudis, inter liberos disponere possunt.

XV.

Fuere jam ante CAROLVM M. Imperatores quidam Romano-Germanici.

XVI.

Existere in Germania jus istud Principum, certissimum est.

XVII.

Utrum vero illud, genuinum, modernirecurfus ad comitia, fundamentum sit, dubium videtur.

XVIII.

Collegium Electorale, CAROLVS IV. Aurea sua Bulla, a reliquorum Principum cœtu, actu nondum separavit.

XIX.

Competit Germaniæ Vicariis, etiam qua talibus, triplex istud circa monetam, monetæ, monetandi, & reapse privilegium concedendi, hoc posterius jus distinctum.

XX.

Sunt isti re vera ad Capitulationem, novissimam semper, adstricti.

XXI.

Solemnitates juris civilis Romani, in testamentis Principum ex necessitate juris, adhibentur.

XXII.

Adhibita vero, nullum ejusmodi alicujus Principis testamenti morbum, quo illud præsertim circa objectum laborat, sanare possunt.

XXIII.

## XXIII.

Testamenta Principum, Imperator non alia ratione, quam salvis quorumcunque juribus, confirmare potest.

## XXIV.

Sunt Principes Germaniæ, in suis quoque testamentis, quoad illa capita, in quibus liberam habent testandi facultatem, omnino, sed non alia, quam qua privati etiam, ratione, Legislatores.

## XXV.

Principes Imperii nostri, pro parte testatos, pro parte vero intestatos decedere posse, naturalis foret pugna.

## XXVI.

Corruente testamento Principis, etiam tutela isto constituta, corruiere solet.

## XXVII.

Minimum ejusmodi tutor, confirmatione Romana, non tantum Germanica, opus habebit.

## XXVIII.

Et ideo non testamentarius, sed potius dativus erit.

## XXIX.

Qui proin legitimum excludere haud poterit.

## XXX.

Differunt jure Germanico, tutela Principis & administratio remtoris eo præsertim, quod hæc regulariter ibi esse soleat, sit ubi successio, secus ac illa, quæ successionem non adstricta.

